

冬部

第十二卷

婦人科痘瘡

第十三卷

麻疹門

第十四卷

痘疹門諸方

第十五卷

痘疹補遺

終

馮氏錦囊秘錄痘疹全集

共十五卷

訂四本

馮氏錦囊秘錄痘疹全集卷十一 婦人科痘疹

男 乾亨禮齋

海鹽馮兆張楚瞻甫纂輯 門人王崇志慎初仝較

男 乾吉佑民

論女人出痘經至

夫男女患痘固無異也。但痘以氣為主而血為附。故氣以
血以濡之一或不足則變生焉。女子乃係陰質。十四
歲已後出痘者常恐天癸之行榮血一走衛氣隨虛。即成
陷伏。惟斯異耳。然有痘疹發熱却非天癸之期。經水忽行



女科痘疹 論女人出痘經至

者○此○因○毒○火○內○動○擾○亂○血○海○是○以○迫○經○妄○行○未○及○期○而○至○
也○其○瘡○必○多○其○毒○必○盛○宜○玄○參○地○黃○湯○涼○血○解○毒○爲○主○使○
熱○得○清○毒○得○解○痘○得○出○經○水○止○方○無○變○患○如○久○不○止○則○中○
氣○虛○弱○而○成○陷○伏○十○全○湯○補○而○托○之○更○有○發○熱○之○時○正○值○
天○癸○之○期○經○水○適○來○者○此○則○積○污○得○去○毒○亦○稍○解○熱○隨○血○
清○而○瘡○自○出○不○須○施○治○更○不○必○止○之○惟○過○四○日○而○猶○不○止○
者○是○又○邪○乘○血○室○之○虛○而○迫○血○妄○行○爲○內○動○中○虛○之○症○矣○
宜○先○服○小○柴○胡○加○生○地○黃○湯○以○清○血○室○之○熱○後○用○十○全○大○
補○湯○以○補○氣○血○之○虛○令○易○出○易○發○易○靨○可○也○更○恐○經○走○則○

虛觸其惡氣。則痘乘虛多變。宜用芫荇煎湯洗淨其外。以香艾揉熟去梗。淨布包裹緊納陰中。時時更換。再服參者。歸地升麻。蠶蟬退之類。虛寒者。加入炒黑乾薑。

論女人經後證治并居經症

凡發熱之時。適因經水方斷。是以血分空虛者。須早服柴胡四物湯。以防毒邪乘虛而入。若已憎寒壯熱。神識不清。見聞狂妄。言語錯亂。尋衣撮空者。此因血室空虛而熱邪已入血室。血室者。衝脉是也。而肝主之。治宜四物湯合導赤散。加麥門冬。與安神丸相間服之。更凡女子經閉者。謂

之居經滿而不瀉。病在心脾。瘡疹之毒本屬於心。又脾爲主。若心脾先病。則血室不行。衝任之間已多積垢。勢必至於瘡疹之火。鬱於命門胞戶之中。當出不出。毒邪留伏。致生乖戾者。理所必矣。是故發熱之初。當卽滌除停垢。宜桃仁承氣湯。主之後。以四物湯。合勻氣散。加紅花。木通。治之。固不可使其有盈。更不可使其有虧也。倘雖居經而痘起。脹如常。飲食如故。而無腹痛。他苦者。亦不必過於治也。復有血海乾涸。經水不通。而適逢出痘者。治法亦宜調其心脾。使裏氣旣和。邪無留伏。而自外出。否則毒鬱衝任之間。

三熱併發互爲攻擊則血妄行不止或毒不出而爲喘急
爲腹脹爲陷伏矣

論經後失音及陷伏

凡女子出痘經水忽行乃暴瘡不語者蓋心主血舌乃心
之苗血去則心虛心虛則少陰之脉不能上榮於舌故卒
失音不語也宜先以當歸養心湯養心血利心竅待其能
言則以十全大補湯調之更有因值月事大行是以瘡不
起發不光壯不飽滿不紅活頂平陷色灰白或青乾黑陷
者此皆裏虛之候瘡復陷入也治宜十全大補湯奪命丹

相間服之。如瘡胖脹紅綻。或瘡空中再出一番者。俱爲大吉之兆。若加腹脹喘促。譫妄悶亂。寒戰咬牙。手足厥逆者。必死之症也。

論崩漏出痘

凡女子一向崩漏未止。氣血已虛。再若感患瘡疹。則必不能以任其毒。宜用十全大補湯。以補氣血爲主。若灰白平陷難發。難漿者。加熟附子一二片。使裏氣充足。毒無停留。而自能飲食。自能起脹。庶可保全。否則倒塌不治矣。更凡正當起發泡漿之時。最宜表裏無病。飲食如常。若遇經行。

過三日而不止者人但慮其穢氣觸動殊不知身中之血
一去百脉之氣皆虛毒邪乘虛陷入或難灌漿頂平形塌
或爲黑陷灰白色矣惟元氣素壯又能食者必無是變如
氣虛食少之人未不如是也宜十全大補湯主之若虛
甚者則少加熟附子可也然服此而出腫痘者爲吉若寒
戰咬牙喘急腫滿手足厥冷者此爲內脫不治之症矣

孕婦出痘

附臨產

凡孕婦出痘熱能動胎胎落則氣血衰敗而痘不能起發
灌漿矣故始終以安胎爲主外用細軟之帛緊兜肚上切

不可用丁桂燥熱之品及食牛虱毒物之類以致觸犯其
條芩白朮艾葉砂仁之類與候相宜者採而用之其初發
熱則以參蘇飲發之痘既出後則多服安胎飲保之渴者
則用人參白朮散加減泄者則用黃芩湯合四君子湯內
加訶子血虛者則以四物湯加托藥色灰白而起發較遲
者則用十全大補湯去桂服之總之不問輕重悉以清熱
安娠爲主更有孕婦出痘正當盛時忽臨正產者勢必氣
血俱虛亦只以十全大補湯大補氣血爲主虛寒者少加
熟附若腹中微痛者此惡路未盡也宜四物湯加乾薑桂

心木香黑芷用熟地黃而去芍藥蓋恐寒涼有傷生氣然
有當用者酒炒用之若寒戰咬牙腹脹不渴而足冷身熱
者此乃脾胃內虛外作假熱也宜參耆歸附木香之類一
二劑而愈者吉不愈者凶若孕婦肥胖者則氣居於表面
歎於內也人參可多黃芪宜少多加帶鼓縮砂切忌脫蒂
菓子之類至有痘將收靨忽作泄瀉口渴飲水小便短少
其痘胖壯紅潤者此內熱也宜用五苓散內加黃芩芍藥
之類若至滑泄不止食少腹脹而足冷痘色灰白脈細無
力者此犯五虛必死之症也

一凡方產之後或半月左右適逢出痘者此無胎孕繫累
惟氣血尙虛治宜大補榮衛爲主若痘出多者則加連翹
粘子之類大便自利者則用肉果炮薑之類餘卽照常一
例而治不必多疑反生他誤至於孕婦出痘在於初出之
時胎落者則血氣雖爲大虛然熱毒亦因走泄兼之未經
起脹灌漿則血氣未曾外耗倘痘非險逆加以大補托裏
每多可生至於收靨之時胎落者則毒已出表消散亦多
無事但重虛而元氣易脫倍宜補益耳若正當起脹灌漿
而胎落者則氣血衰敗內外兩虛旣不能逐毒以外出則

毒必乘虛而內攻為不救者多矣

婦女瘡疹證治歌括

女人疹痘最難醫陰血時常有日虧待得疹瘡將發日只
愁天癸又當期發熱經行非正時火邪迫血血奔馳急須涼血停為美莫
待中虛悔却遲發熱期逢經水行毒邪得解免煩蒸過期不止須當慮補
氣溫經令出勻發熱適逢經水斷血室空虛防他變若然謔妄神不清熱
入血室治勿緩女子居經日已餘豈堪瘡疹病來加却愁血海停污垢更
怕胞門伏毒邪崩漏無時血已枯瀉而不滿臟中虛豈堪當此天行病濟
弱扶危救弱軀起發成膿忽動經血虛氣弱事堪驚食多氣壯無他慮不
爾須防陷伏臨

妊娠瘡痂治尤難惟有安胎法最先不可令胎輕觸動胎

元觸動命將殘瘡正其時臨正產幾人束手功莫展滌除惡露相時行補

益元神休忌憚產後如逢出疹瘡此時胎去免憂惶只憑補益收功效莫

犯寒涼生氣傷發熱瘡發疹木瀉血室空盡則胎變沫無驚矣神不肯驚

疎風散令出已發熱瘡發疹木汗毒瘰瘡風敗蒸散瘰不土陰當風酥

者中風則扶莖發熱瘡發疹木汗毒瘰瘡風敗蒸散瘰不土陰當風酥

發熱瘡發疹木汗毒瘰瘡風敗蒸散瘰不土陰當風酥

識文瘡疹常帶

瘡疹常帶

馮氏錦囊秘錄痘疹全集卷十三

麻疹

男 乾元龍田

海鹽馮兆張楚瞻甫纂輯 門人羅如桂丹臣全較

男 乾泰坦公

麻疹碎金賦

疹屬君火氣本少陰傳於其子兮故為脾胃之證乘於其妻兮現乎皮毛之分亦胎毒之所發因疫癘而後成咳嗽噴嚏兮辛金煉於丁火頓悶淚出兮君主御乎將軍迎而奪之兮其鋒易挫隨而擊之兮其銳難勝如折勾剪兮斧

馮氏錦囊秘錄麻疹卷十三 麻疹碎金賦



斤不用。苟待燎原兮。玉石俱焚。其色如班兮。摸之有迹。其形似痘兮。視之無津。朝出暮收兮。發之於陽。暮出朝收兮。發之於陰。變化莫測。出沒靡定。大抵愛赤而惡黑。治者喜涼而忌溫。赤如點朱兮。光明彰顯之象。黑如灑墨兮。火鬱黧昧之甚。制以酸涼兮。收炎光於灑澤。投以辛熱兮。縱赫曦於重明。○痘欲盡發而不留。疹欲盡出而無病。或邪氣之鬱遏兮。留而不去。或正氣之損傷兮。困而未伸。毒歸五臟。變有四證。毒歸脾胃兮。泄瀉不止。而變利。毒歸心肝兮。煩熱不退。而發驚。咳嗽久而血出兮。毒歸於肺。牙齒爛而

疢蝕兮毒歸於腎○輕者從刺以嚮善○平之有功○重者拒敵
而肆惡○攻之不勝○牙若脫落兮崩砂之狀可畏○聲若啞啞
兮狐惑之證難明○應出不出兮發之須曉○應收不收兮
解之應明○色淡白兮爲虛○宜溫養血○色紫黑兮血熱○宜化
毒清○發不出而煩躁兮○虞不能臘○黑不變而譎妄兮○食不
及薪○熱蒸蒸兮○色赤痢滴滴兮○氣腥羸瘦滑肉之脫○瘰癧
神識之昏喘急兮○胸高肩聳○疔爛兮漏腮缺唇○休誇三世
之妙手○難留一息之遊魂○豈不聞誤服湯丸兮○不如勿
藥○又不見特犯禁忌兮○可以自省○愛喫鹹酸兮○咳嗽連綿

而未已。喜啖辛燥。今火熱熾灼而不寧。甘甜過而齒齲生。冷多而糞清。雞則生風之畜。魚則動火之鱗。雞魚貪而亂食。風火併而啟釁。邪反滋甚。今爲班疹而不息。毒反深。以今值疫癘而再經。斯則疹之遺毒。亦若痘之餘證。

金鏡賦

痲雖胎毒。多帶時行。氣候暄熱。傳染而成。發也與痘相類。變也。比痘匪輕。先起於陽。後歸於陰。毒盛於脾。熱流於心。臟腑之傷。肺則尤甚。始終之變。腎則無症。初則發熱。有類傷寒。眼胞困倦。而難起。鼻流清涕。而不乾。咳嗽少食。煩渴。

難安斜目視之隱隱皮膚之下以手摸之磊磊肌肉之間
其形若芥其色若丹出見三日漸沒爲安隨出隨沒喘急
須防根窠若腫兮疹而兼癢皮膚如赤兮疹猶夾班似錦
而明兮不藥而愈如煤而黑兮百無一痊瘡疹旣出調理
殊難坐臥欲煖飲食宜淡咳嗽涎沫必禁酸鹹忽生喘急
肺受風寒心脾火灼口舌生瘡肺胃蘊熱津液長流有此
變症治法不同微汗則邪無蓄便利則毒無壅喉痛煩渴
解毒爲先譖妄恍惚清心是尙勝裏拂鬱兮卽當發散腸
胃秘結兮急與疎通顏色紫黯而血凝兮疏壅涼血頭面

未起而氣滯兮透托升提鼻衄者不必憂治邪從衄解自
行者亦毋遽止毒以利鬆痲後多痢兮熱毒移於大腸咳
嗽喉痛兮痰熱滯於心胸口渴心煩法在生津養血飲食
減少治宜調胃和中此是痲之大旨玄奧悟之無窮

論疹與痘治法

痲者卽疹也毒者卽火也痘疹皆胎毒所發痘子大而掀
腫者少陽三焦火也陽道常饒故大而腫疹子小而細密
者少陰心火也陰道常乏故小而密痘毒出於臟疹毒出
於腑臟屬陰陰主血故痘有形而有汁腑屬陽陽主氣故

疹有形而無漿痘有寒而有熱疹則有熱而無寒爲症既
異治法亦殊痘宜內實可用補劑疹忌內實只宜解散毒
雖一而發則殊治法因而有變也其初出之際痘防表虛
不可過表疹貴出盡過表無妨既出之後疹則補陰以制
陽痘則補氣以生血蓋疹熱甚則陰分煎熬血多虛耗况
既出卽解惟慮陰虛火動餘熱難清耳故宜滋陰清火凡
燥悍之劑首尾當深忌也若夫痘瘡既出必賴氣以拘血
血以附氣相濟成功起脹貫膿結痂後已非若疹子出透
已無餘事也然麻疹多見肺症者以心肺屬陽而位乎上

心火旺則肺受之故觀其咳嗽者火炎上而肺葉焦舉也
鼻流清涕者鼻爲肺竅火燄金故液自流也目中淚出者
肺熱而移於肝肝之竅在目也手搥眉目唇鼻及面者皆
肺熱症也故治疹專以心肺爲主然發熱之初與傷寒相
似但疹子則面浮腮赤咳嗽噴嚏鼻流清涕其淚汪汪眼
眵浮腫惡心乾嘔呵欠喜睡或作吐瀉或手搥鼻面眉目
是皆疹候也治宜升麻葛根湯雖寒勿用桂枝雖虛勿用
參朮雖嘔而有痰勿用半夏南星并忌誤作傷寒汗下汗
則增其熱而爲鼻衄欬血口瘡咽痛煩燥目赤二便不通

寒則太虛其裏或爲滑泄或爲滯下此治之畧也如手足
精微冷一身盡熱惡寒無汗面色青慘而不舒者是傷寒
之熱也如手足稍微溫發熱有汗面赤而光鼻流清涕者
是傷風之熱也如午前發熱日昃高腫而黃吐利腹疼頭
額肚腹倍熱或晝熱夜涼及上熱下冷者是傷食之熱也
如手掌心有汗手絡脈微動而色青紅時作驚惕者此驚
熱也如唇紅頰赤二便俱閉脇下有汗身熱而倍能食者
此風熱也惟痘疹熱者則四臟之毒俱見然以上諸症久
而不去則內外感發所蘊痘疹之毒亦能乘間而出矣

論諸熱誤治發斑疹

班疹一症多因諸症發熱調治失宜血分壅熱不得宣洩
沸騰肌表而爲點也故凡專因麻疹發熱者自當表發若
一遇發熱不識何病便加麻疹名目妄行攻托以致血熱
壅盛迫血逆行沸騰於肌肉之間如擊水過顛之象實非
麻疹之本症乃因藥峻攻猶傷寒熱極而爲斑也其點雖
見而血分已受煎熬困極矣更有血滯血枯而終難見點
者醫家欲踐其言用藥峻發不見不已班疹本爲血熱之
病血無是病而必燥以成之其爲困也更甚則實死矣

藥而不死於疹故諸發熱隨所因而調治得宜則榮衛和
而熱自退何有熱極班疹之患倘諸熱妄謂麻疹攻發則
鬱熱無從宣洩皆可鼎沸成形至此陽越於外陰覆於表
裏既空虛則不食昏悶身熱氣促嘔噦惡心等症勢所必
然復謂疹毒未清誤加清涼解毒以治熱毒有餘之藥而
攻元氣受傷之病其欲不死焉可得乎張治班疹見點之
後壯熱昏沉喘促煩躁口渴不食泄瀉吐衄或頭面先沒
額熱身烙足冷者俱用峻補真陰真陽一二劑而熱退神
強能食便調而愈有案另陳於二十卷證治方按之內幸

高明詳之。蓋血爲火迫而成形於外。則經絡之陰其消耗。可知。陽氣浮越於表。則少火之藏納於丹田者。其衰敗可知。水火旣已兩亾。則脾元何能運用。中氣之大傷。不待言矣。若不峻補真陰真陽。何以爲保精氣神而資生身之用耶。吳鶴臯曰。以參耆桂附而治斑者。法之變也。醫不達權。安足語此。但芪桂純走陽分。亦非所宜。若不兼以陰藥。何能制其僭熱。况斑疹陰分大傷者乎。經曰。陽強不能密。陰氣乃絕。陰平陽秘。精神乃治。陰陽離決。精氣乃絕。誠百病求生者之至理也。

論麻疹屬腑治法

夫陰陽交媾。火毒遺焉。男子陽盛。則淫火中於氣。而爲麻。毒發於六腑。腑屬陽。而爲氣。故疹有形。而無汁。是以發熱之初。大與血分煎熬。首尾並宜滋陰補血爲主。不可一毫動氣。女子陰盛。則淫火中於血。而爲痘。毒發於五臟。臟屬陰。而主血。故痘有形。而有漿。是以發熱之初。大與氣分搏擊。治宜涼血補氣爲主。此以痘疹大槩言之。然氣血虛實不同。未可一例而斷也。凡看麻疹之法。多於耳後項上腰腿先見。其頂尖而不長。其形小而勻淨。色紅者。兼火化也。

宜用牛蒡連翹升麻骨皮知母之類。色白者血不足也。尤
宜當歸赤芍紅花之類。色紫乾燥暗晦者火盛毒熾也。宜
發表解毒而兼滋陰涼血。則熱自除。所謂養陰退陽也。若
至黑色者則熱毒熾極不治。惟下之以圖萬一。凡疹出之
際。切忌風寒。生冷。否則皮膚閉塞。毒氣壅滯。遂變渾身青
紫。或復隱沒。毒反內攻。煩躁腹痛。氣喘悶亂。危亾頃至矣。
若初出反沒。未見惡症者。重加表發。或有得生。然諸班疹
雖屬陽症。實多由內傷乳食。脾胃不足。是以榮氣逆行。而
然。故虛火內熾。燦其陰。覆於外。火內熾者。陰已虧極也。陰

覆外者陽亦外走也

張按古人以疹屬少陰心火以其色赤也故多乘肺而見咳嗽諸症班屬陽明胃火以胃主肌肉也且疹多實熱班有假陽爲定論然班疹總屬腑症爲血之餘而疹亦見於肌肉有形無汁者也近來發熱日久而見疹者亦不外乎榮分熱極陰血沸騰卽屬班類故不必以班疹分但當以虛實判實者正治虛者從治班之實者卽以古人治疹之法治班疹之虛者卽以治班之假陽者治疹天之氣化轉薄人稟元氣愈虧卽病之實者邪氣實非真實也病一退

而正氣卽虛乃真虛也。今醫徒守古人疹多實熱之論。寒
涼肆進。壯實者根本原因。故得標症清解。而卽愈。怯弱者
不耐疾病。經此多日。壯熱早已陰虧氣弱。再加疎表解毒
寒涼。以有形有餘之藥。攻無形所變之虛。不知陽毒之有
餘。實由陰血之不足。捨其實在之虛。攻其無影之毒。有不
令愈。熱煩躁而增泄瀉喘促。甚至不起者多矣。張深憫其
厄。謹立全真一氣湯。去人參。而用治麻疹之危困者。屢有
神効。可見難作實熱爲定論明矣。

論疹中咳嗽吐利咽痛口渴

疹子發熱之初。其點未見而咳嗽咽疼。止氣喘急。面目浮腫。時以時起。心煩口乾者。此毒火內蒸而肺葉焦舉也。宜用桔湯合人參白虎湯加減主之。若初發熱而吐利者。此邪火內迫。上焦則吐。下焦則利。中焦則吐利並多。治宜解毒發表。清涼不可收澀。吐利也。若裏急後重而爲滯下者。則少加大黃以微利之。是爲純熱之症。不可以作寒論。宜於疹家吐利求之。勿從吐利滯下而治。若咽喉腫痛不能飲食者。宜甘桔湯加牛蒡子之類。若渴欲飲水者。此邪火外入。心火內炎。是以肺焦而胃乾也。初發熱而渴者。則用

升麻葛根湯以表暴其邪。疹出而熱毒自解。出後而渴者。則用花粉麥冬合黃連解毒湯主之。其所宜飲者。菜豆燈心灼米湯。以生津解熱而已。若恣飲冷水。重則毒氣內攻。不救。輕則變成水蓄之症。未入於肺。則爲喘。爲咳。入於脾。則爲腫。爲脹。爲自利。入於胃。則爲吐。爲噦。入於心。則爲悸。爲驚。或爲煩悶。入於肝。則爲脇痛。入於腎。與膀胱。則爲小便不利。爲囊腫。且餘毒不清。變現諸症矣。

論治疹當隨時令。不可執用寒涼。

夫痘喜溫煖。疹喜清涼。人皆知之。殊不知痘當成實而過。

緩亦爛疹子初出而過涼難形治者須察時令寒暄隨機
處變如時大寒則以桂枝葛根湯發之大熱則以升麻葛
根湯合人參白虎湯發之不寒不熱則以荆防敗毒散發
之如兼疫癘之氣則以人參敗毒散發之須致溫涼得所
則陰陽自和而疹自然盡出出盡卽解豈若痘之必膿必
靨而後已哉雖然更有赤白之別存焉赤疹必遇清涼而
後解白疹必遇溫煖而後消更有明是疹子而至發熱六
七日已後却不見出者此皮膚堅厚腠裏閉密又爲風寒
襲之或曾有吐利是以氣弱乃伏者治宜急用托裏發表

之劑外用胡荽煮酒噴之如久不大便是以毒甚於裏而
內伏不出者則用涼膈散加牛蒡子發之解之如再不出
腹中脹痛氣上喘促昏悶譫妄者死症也
經曰邪氣盛則實然邪既盛矣非汗散何由而除然發表
不遠熱非辛熱何由而解但疹本屬陽兼之首耗陰分所
以藥忌燥悍者耳奈世竟以寒涼槩濟如始而用之則血
凝毒滯且火發而驟遏之則熱毒難出終而用之則戕賊
胃氣且有餘毒而冰之則邪難外解逗留經絡爲日疾滯
下諸患矣雖曰疹要清涼痘要溫清涼者豈寒涼之謂歟

總宜觀邪之盛衰時之寒熱如冬天不獨不加以寒涼之劑更有糟煮芫荇外擦之法夏月則肉分開張辛熱之品固所禁用卽芫荇性畧辛溫雖爲疹中要品亦所當忌矣

論疹出宜快并顏色輕重

夫痘瘡出自五臟五臟屬陰故頭面宜先見稀少者爲佳麻疹出自六腑六腑屬陽故頭面宜多見成粒淡者爲愈痘瘡貴三四次陸續出者爲佳麻疹則貴一齊湧盡而便解者爲妙凡以火照之遍身如塗朱之狀者此乃將出之兆其形細密見點鮮紅與痘瘡密者相似但疹子隨出隨

馬氏扁鵲必錄 麻疹 卷十三 論疹出顏色輕重 七

設○非○若○痘○子○以○漸○長○大○也○粒○粒○成○瘡○非○若○斑○之○皮○紅○成○片○
如○蚊○蚤○之○迹○也○然○疹○痘○之○色○不○可○同○論○痘○色○最○厭○繁○紅○而○
疹○偏○喜○通○紅○蓋○疹○發○於○心○紅○者○火○之○正○色○也○若○色○淡○白○者○
是○心○血○不○足○也○宜○養○血○化○斑○湯○主○之○如○色○太○紅○微○或○微○紫○
者○是○血○熱○也○或○出○太○甚○者○並○宜○大○青○湯○主○之○若○色○黑○者○是○
死○症○也○如○忽○鼻○血○者○邪○從○衄○解○反○為○佳○兆○

辨疑似

夫○疹○之○初○出○似○痘○似○痧○不○必○言○矣○更○有○變○蒸○發○熱○常○見○紅○
點○者○此○腠○裏○開○而○肌○肉○嫩○血○分○有○熱○便○沸○騰○見○於○肌○肉○也○

是雖似疹治法但宜調和氣血而不必疎表也驚風愈時亦見紅點者此氣血已和邪氣將散乃愈兆也皮膚癢極搔之腫厚塊若雲頭者此風熱挾濕爲丹爲風並皆不在疹例也凡發熱而卽出者必疹發熱而難出者必痘可見毒之深淺也然從來疹出以六時爲準朝出暮回夕形且沒何今之出或熱二三日或四五日及其沒也必待二三日或三四日者何歟蓋昔人澹泊節愛腑毒原輕故雖感時毒易透易回今人膏粱燻炙寒暄素逆稟元則薄受毒偏深是以稍有所觸則勢便沉痾故疹同也惟人異耳若

疹後久熱不退變成痧癆宜急與地黃補腎之劑雖童子
幼年於何敗腎殊不知小兒陰氣未全倘稟氣復薄謂之
真虛况疹初發血分大傷餘毒久熱殘陰益竭若不大為
壯水焉能以制陽光

辨輕重

凡疹發熱之時胸腹肩背先見者是宜謹避風寒投以升
發之劑令其頭面腮頤透出為主倘周身未見兩脇先形
者并兩頤腫脹色同臙脂者皆甚危之症也紅色潮潤者
佳紫氣者重黑色者危白色者血少回後紋黑者餘毒也

詳疹諸名

夫麻疹浮小而有頭粒。隨出卽收。不結膿泡。北人謂之糠。
瘡。南人謂之麩。瘡。吳人謂之痧。越人謂之瘡。古所謂之麻。
聞人氏謂之膚疹。然此與前所謂脾爲疹者不同。小兒有
出一二次者。及出輕而日數少。并出在痘前者。名痧疹子。
若出稍重而日數多。并出在痘後者。名正疹子。初出與痘
相似。但痘發於臟屬陰。而本深。故難出。難收。藥於溫平爲
宜。麻發於腑屬陽。而本淺。故易出。易收。藥於清涼爲合。然
有麻疹症候俱同。而其出如風。癰。疔。瘡。或擁起如雲。頭色

赤成癍隨見隨沒者并如粟米頭粒三番俱見而不沒至三四日後方收者皆謂之麻疹照常發表惟圖出透自愈也

痧麻子

有小兒初生尙未滿月忽遍身紅點者此卽俗呼痧麻子也由胎中受熱又適染時行故生下便發然臟腑嬌脆氣血未固不勝湯丸故宜大劑乳母服之然疹在大熱未退飲食宜節此與傷寒同也母宜食淡茹齋切忌風寒及冷水瓜菓之物犯則皮毛閉塞毒氣難泄遂變紫黑而死矣

卽極渴欲水只宜少與葱白湯以滋其渴使皮竅中微汗
潤澤毒得盡解也最禁雞魚炙燂鹽醋五辛梅桃糖蜜香
鮮之物奈病家但知藥上求全勿於飲食檢點倘調攝得
宜雖不藥可等於中醫若服藥而失調攝雖生江亦莫可
施其巧也

孕婦出疹

孕婦出疹當以四物加減而加條芩艾葉以安胎清熱爲
主則胎不動而麻自愈矣然熱毒蒸胎胎多受傷但胎雖
傷而母實無恙也蓋疹與痘不同痘宜內實以痘當從外

解○故○胎○落○而○母○凶○疹○宜○內○虛○以○疹○當○從○內○解○故○胎○落○而○母○
存○雖○然○與○其○胎○去○而○母○存○孰○若○子○母○兩○全○之○爲○愈○也○且○古○
人○徒○知○清○熱○以○安○胎○不○思○疹○未○出○而○卽○以○清○熱○爲○事○則○疹○
難○出○而○內○熱○愈○深○是○欲○保○胎○反○足○以○傷○胎○也○宜○輕○揚○表○托○
則○疹○出○而○熱○自○清○繼○以○滋○陰○清○解○則○於○疹○於○胎○兩○得○無○礙○
不○安○胎○而○胎○自○安○矣○且○艾○葉○砂○仁○性○溫○而○香○肺○氣○大○傷○之○
後○復○當○香○燥○之○藥○咳○嗽○喘○促○皆○能○動○胎○水○涸○金○枯○何○能○長○
養○徒○存○安○胎○之○名○確○有○損○胎○之○實○張不敢遵古賢之成法○
而○害○後○人○之○生○命○也○

論相夾相傳

與未疹而先有他症者謂相夾疹而變他症者謂相傳病家畏其相夾醫家畏其相傳何也蓋如驚風等症一遇發疹并所夾之症亦愈者所謂由內達外六氣相乘其毒同此而解也每有疹毒未透疎解未清調理失宜變為他症而致危困者所謂由表入裏毒滯於內也疹後其宜慎乎

麻疹門雜症

衄汗

凡發熱之時而遍身汗出者此毒從汗散玄府開而疹易

出也。若鼻中出血者，此毒從衄解，俱不可止之，皆得發散之義也。惟汗出太多，血出不止者，此火毒逼迫太過，致液妄流而血妄行也。宜以歸芍苓連生地浮小麥之類以止其汗，或人參白虎湯黃連解毒湯主之。更以茅花歸頭生地甘草丹皮玄參粘子連翹之類以止其血，或玄參地黃湯主之。遲則汗多而元氣虛，血多而精神散，變成壞症矣。

瀉利

疹出之時，自利不止，或瀉稀水頻數者，最爲惡候。但看其疹若遍身稠密紅紫者，不妨。蓋非瀉則鬱遏不解，惟宜清

利疹一發透自然瀉止。若疹已收而瀉仍不止者，疹必未盡。宜用清托，并分利之。切不可用訶子、肉蔻、澀滯之藥，致變腹脹喘急不治之症矣。

論餘熱餘毒

夫疹子出沒常以六時爲準。假如子後出者，而午時卽收。午後出者，而子時卽收。蓋午後爲陰，子後爲陽，乃陰生陽成，陽長陰收之數也。旋出旋收者爲輕，若一出三四日而不收者，乃陽毒太盛，宜大青湯解之。然瘡疹非熱不出，旣出而諸病悉解，身涼者，此爲正候。若旣出而熱甚不減者。

此毒壅遏未除亦宜大青湯以解其表。便澀者則用黃連解毒之類以解其裏。更有煩悶不寧而吐利者同此意而變通之。如有逡巡不出者乃風寒外束皮膚閉密也宜荆防敗毒散之。疹盡出而煩躁吐利自愈矣。然疹子之出須使其毒盡解。若不盡解則毒畜於中壯熱日久枯瘁成疳。或成驚癇泄痢或咳血喘促或作疳匿而死。

痧疹者肺胃二經之火熱而爲病也。小兒居多大人亦時有之。殆時氣瘟疫之類。欵治法當以清涼發散爲主藥。用辛寒甘寒苦寒以升發之。惟忌酸收最宜辛散。辛散如荆

芥西河柳乾葛石膏鼠黏麻黃清涼如玄參竹葉天花粉
清黛薄荷甘寒如麥冬生甘草蔗漿苦寒如黃芩黃連貝
母連翹隨證輕重制劑大小中病則已毋太過焉
疹疹初發欬嗽宜清熱透毒不得止嗽癩後欬嗽但用貝
母苦梗甘草薄荷天花粉玄參麥冬以清餘熱消痰壅則
自愈慎勿用收斂之劑多喘喘者邪熱壅於肺也慎勿用
定喘藥惟應大劑竹葉石膏湯加西河柳兩許玄參薄荷
各二錢凡熱勢盛者卽用白虎湯加西河柳忌用升麻服
之必喘癩多泄瀉慎勿止瀉惟用黃連乾葛升麻甘草則

瀉○自○止○疹○家○不○忌○瀉○瀉○則○陽○明○之○邪○熱○得○解○是○亦○表○裏○分○
消○之○義○也○疹○後○泄○瀉○及○便○膿○血○皆○由○熱○邪○內○陷○也○大○忌○止○
瀉○惟○宜○升○散○仍○用○升○麻○甘○草○乾○葛○黃○連○白○芍○藥○白○朮○豆○便○
膿○血○則○加○滑○石○末○利○必○自○愈○也○若○果○上○熱○下○寒○上○實○下○虛○
之○症○當○作○虛○論○以○從○治○之○法○治○之○不○可○以○寒○涼○正○治○也○如○
冬○天○寒○甚○痧○毒○鬱○於○內○而○不○得○透○出○者○不○得○誤○投○寒○涼○如○
石○膏○竹○葉○西○河○柳○之○類○宜○用○別○防○蟬○蛻○羌○活○葱○白○芫○荇○之○
類○再○加○蜜○酒○炒○麻○黃○一○劑○卽○止○亦○勿○過○用○
痧○後○牙○疳○最○危○外○用○牡○黃○牛○糞○尖○煨○存○性○研○極○細○加○真○片

腦一分研勻吹之內用連翹乾葛荆芥穗升麻玄參黃連
甘草生地黃水煎加生犀角汁二三十匙調服緩則不可
救藥若脾氣虛寒不能按納下焦陰火而爲牙疳口瘡者
又宜理中之類火自退舍總宜憑脈用藥勿以麻疹熱毒
爲定論蓋諸病有初同末異之迥殊也
癩退之後微微咳嗽者此餘毒未盡也用清肺飲加消毒
飲主之若咳甚氣喘連聲不住名爲頓嗽甚則飲食湯水
俱出或咳出血者此熱毒乘肺也宜多服麥冬清肺飲加
連翹主之若見胸高如圭肩聳而喘血出口鼻擺首搖頭

面色或白或青或紅而枯黯者不可治矣。然亦有肺氣虛而發喘連聲不已無咳嗽血出噎食之症者宜清肺飲倍加人參不可拘於肺熱之一端純用清肺解毒也。疹子與痘似輕然調治失宜其禍反不旋踵蓋痘由胎毒而發形勢多少輕重吉凶自可預斷疹由感受時氣而發輕者可重重者可輕皆在於調治有方故藥餌飲食禁忌比痘家尤宜中節。疹後生瘡榮分餘熱未盡也宜金銀花荆芥穗連翹玄參甘草生地驚風胡麻黃連木通濃煎飲之。痧疹不宜依

施治惟宜治本。本者手太陰足陽明二經之邪熱也。解其邪熱則諸證自退矣。

論壯熱煩渴口鼻腐爛等症

錦囊新增

斑疹本為肺胃火毒。故壯熱煩渴喜冷。滯飲此其常也。然即縱其冷飲則冰遏熱毒在內。且津液遇冷則凝而燥渴益甚。况胃喜涼飲而惡熱。得冷入口勿論虛實無不爽快也。腸喜熱飲而惡寒。流寒下焦勿論虛實無不受傷也。輕則激其虛火上。升寒熱不已。重則迫其熱毒下注。瀉利無休。更有誤以煩渴喜冷為實熱。酸用芩連苦寒之藥。殊不

知○火○之○有○餘○由○水○之○不○足○卽○渴○者○乃○臟○腑○津○液○燥○槁○而○爲○
病○也○少○火○變○爲○壯○熱○宗○氣○已○亾○於○中○孤○陰○外○覆○肌○表○榮○道○
已○竭○於○裏○若○不○求○陰○陽○至○理○而○調○之○徒○以○時○行○外○染○之○容○
病○爲○主○治○壯○者○因○循○日○久○而○愈○弱○者○倏○忽○變○症○而○亾○故○死○
有○壯○熱○煩○渴○視○此○可○以○例○推○矣○奈○何○北○方○凡○患○熱○病○喜○冷○
者○謂○之○咯○水○病○病○家○則○任○飲○涼○水○醫○家○則○峻○投○寒○藥○以○致○
愈○飲○愈○渴○愈○寒○愈○熱○逼○其○浮○越○之○虛○陽○盡○耗○於○肌○表○必○致○
身○冷○而○已○獨○不○思○溫○能○除○大○熱○之○語○何○也○要○知○千○變○萬○化○
之○病○多○由○身○中○之○火○不○安○其○位○衝○於○巔○頂○則○頭○疼○越○於○肌

表則身熱。浮於頭面。則臉紅。客於會厭。則咽痛。得其平。則安。其位。外邪不能入。而爲眞陽之正氣。失其常。則離其位。外邪得入。卽陽氣而變爲火矣。何時師治熱病者。泛云邪熱。日以苦寒爲事。豈人身上之熱。另有身外之火乎。此卽本人身內之火發越而爲病也。惟實火太過者。暫以寒涼折之。中病卽已。斷無有去之之理也。昧者飲水餐冰不已。盡將陽氣趕出。以致手足厥冷。龍雷無可藏納。上迫而爲胃爛。口臭。睛紅。舌黑。榮失氣運。凝滯成斑。獨現於足。夫斑疹屬火。火性上炎。故多見頭面。今獨現於足者。陽氣已絕。

陰血凝泣。名死血。班也不治。是皆陰極似陽之假熱。而誤用寒涼之過也。至於唇口腐爛。甚至頰穿唇缺。鼻爛目傷者。似乎熱毒也。孰知陽氣者所以充皮毛。堅筋骨。密腠裏。以衛護於外者也。陰血者所以榮脈絡。潤肌膚。滋精髓。以榮養乎裏者也。面爲諸陽之會。目爲至陰之精。鼻爲宗氣之竅。一身之氣血。運至鼻面者。非至清至精者。不能達之。苟一旦陽氣耗散於外。夫其衛護之權。陰血燥槁於裏。失其榮養之職。於是五官精華衰涸。則陰翳之火。乘虛而走。空竅流爍。爲害猶龍雷之焚。毀萬物甚速也。况多餘熱不

退而爲癆癘者是皆氣血本氣爲病有何毒乎治之者能
明此理惟使太陽一照龍雷頓息真陽一斂陰翳自消真
陰一生虛陽自化而榮衛各得其職矣蓋無形生出有形
之假火須以有形生出無形水火之真藥以調之蓋造化
之理皆生於無凡有形者皆非真也奈何一見壯熱紅點
便作有形實相以攻有迹之藥而投無形之虛以致變現
百出病欲不死焉可得乎

張

於乙亥年因刷印是書附糧艘北上時斑疹大行而
甚危諸醫或用表托或用清解俱莫能療有身體俱見

而面上隱隱退縮壯熱喘嗽煩燥不食泄瀉者有身面
俱見面赤壯熱喘嗽煩躁不食泄瀉者要知皆陽外越
而陰內竭中氣弱而肺氣傷其火之有餘乃由水之不
足昧者槩云麻疹餘毒然不知實係氣血大傷即陰陽
二氣而爲病也余按其脉寸強尺弱或細數無力者並
以全真一氣湯方見雜症二
十卷藥按中去人參量人大小酌劑輕
重投之一二劑後喘熱俱退熟睡日餘神爽思食并向
有口瘡目患者皆從此而愈可見陽藏陰長之妙用深
感先賢喻嘉言以人參敗毒散而治斑疹之論與吳鶴

臯所云以參附而治班者法之變也醫不達權安足語
此等語信不誣也惟脈洪有力人強氣壯者方用連翹
土貝牛蒡甘桔生地丹皮之類清解之若不詳陰竭陽
浮之理槩投表疹解毒之方不惟不勝治終亦不可治
殆至陰陽並竭而煩躁喘促猶云疹毒內攻元神脫盡
而目窺口噤尙爲變驚調治何其昧之至也
余長孫 大業 年四歲時當夏月正值家中大小麻疹盛
行長孫亦染其症因不肯服藥乃避風靜攝聽之熱至
五六日來精神甚疲昏睡露睛身上隱隱出現頭面甚

微且額熱如烙、腿足溫和、飲食不進、焦燥無汗、余曰、面不起者、乃陽虛不能上托也、額熱倍常者、龍雷之火、上乘也、不食神倦者、久熱傷中、而中氣不運也、焦燥無汗者、久熱而真陰枯涸也、昏睡露睛者、神疲而督脈縮急也、若用疎散、益耗真陽、真陰虛火妄熾、風從內起、必有似驚非驚之變、况陰竭而復行疎解、則真陰愈槁、必有煩躁狂亂之虞、氣血根本既敗、其為氣血無形變現之班疹、何自而充托於外哉、乃用熟地八錢、滋水以為君、炒黃白朮三錢、固中氣以為臣、牛膝二錢、四分、使其濁

陰下降炒燥麥冬二錢五味子三分收攝肺氣斂納龍
雷下歸並以爲佐製附子六分直固丹田以爲使則真
陽旣得而面上之疹不攻自起矣額上之火烙不解自
退矣真陰旣得則身上之焦燥自可得汗而和矣果辰
刻服藥之後不逾時而面上盡起額熱大減身有微汗
神情頓爽但久熱狼狽余晚間以人參八分麥冬一錢
五味子五粒煎湯溫服次日精神強如故矣或疑五
味子酸斂爲虞殊不知內有附子大力之藥一斂則其
力愈大真陽一壯於中陰翳頓解於外卽所謂一勝則

一負也。故滋真水以取汗。汗出裕如。壯真陽以散假陽。假陽頓釋。如太陽一照而龍雷自息也。水火既調。百病俱已。再調正氣於內。邪氣自散於表。故治有形之百病。皆當於無形之氣血中求之。則有形之變幻盡屬無形之虛張。誰謂外邪之傳襲實是本身之發現。不求本而妄行驅逐。其有不敗者幾希。

中惡

夫有痘疹收後。舉止飲食已復如常。忽然遍身汗出如水。或只心腹絞痛而死者。此是元氣尙虧。外雖無病。裏實空。

虛一感疫癘不正之氣。正不勝邪。一中而死。謂之中惡也。間有用人參湯研蘇合香丸服之。而甦。殆如大人之因虛而暴中之類歟。

論痘癰疹毒不同

痘後發癰。多在骨節間。疹後餘毒。每在口內。何也。蓋痘毒之餘。多留肝腎。疹毒之餘。多留肺胃。故夫治疹。始與解表。使其卽出。次與清涼。使其易回。否則始也。其毒不能盡達於表。乃熱流於心。毒甚於脾。心火亢甚。其勢炎上。遇竅而發。既而沒也。又不能滋陰清解。則小熱變成大熱。小毒

變成大毒。腑毒爲陽。炎上越表而淺。臟毒爲陰。沉下滯裏。而深。臟腑陰陽既異。骨髓膚腠殊途。一則驟發而爲目病。口疳。一則出於骨裏。傳於脈外。移於皮膚。乃潰而成。其多在骨節者。因病久鬱滯。氣不周行。血不流暢。毒滯於關節也。疹後久咳嗽者。因心火亢甚。焚灼肺金。全體本燥。至此而燥愈甚。嗽久氣逆而不收也。其多傳痢者。肺與大腸爲表裏。肺受邪而移於大腸也。

麻疹順逆險

碎錦

順症

頭面先見次而兩頤透出乃至於足形若芥子色若桃花
作二三番齊透神氣安寧飲食二便調和者順候也
頭面發透粒肥而多淡紅滋潤三日而漸沒者輕

險症

頭面兩頤難透者重
胃風及早者重
兩頤如紫雲成
片者重
疹中夾斑氣逆者重
紅紫暗燥者重
咽喉
腫痛不食者重
移熱大腸變痢者重

逆症

黑暗乾枯一出卽沒者不治
鼻扇口張目無神者不治

鼻青糞黑者不治、熱極喘脹、胸高肩息、狂言衄血、搦手
搖頭、尋衣摸床、噦惡便秘、口出屍氣者不治、氣喘心前
吸者不治、頭面不出者不治、麻後牙疳、有五不治、臭
爛者不治、自外入內者不治、無膿血者不治、白色者爲胃
爛也不治、牙落者爲腎敗也不治、一有正氣不足不能
逐邪外出則毒伏於內、喘脹而死者是俗名悶痧也、

麻疹證治歌括

疹爲胎毒發於心肺與相連、熱毒侵竅嗽鼻中、清涕出且
觀雙目淚盈盈、疹斑疹須明歲氣先勿輕、汗下作傷寒察人虛實、施方注莫
犯天和損壽元、

疹喜清涼。痘喜溫。能知疹痘不同。倫疹苗痘實無人解。臟腑陰陽各自分。過期不出。勢淹延毒。伏身中出見難急。用透肌。休息玩豈堪。臟腑受熬煎。蒸蒸發熱。咳聲頻目脹。面浮氣上行。坐臥不安。痰壅少肺焦。葉舉熱邪侵。火熱熏蒸。汗潤身毒邪併迫。血違經。汗多衛表邪從散。血去榮中。毒少輕痘瘡赤。艷癢來攻。疹子紅鮮。毒易鬆。白疹血虛。猶可。療黑班候惡。莫相逢。疹家出沒。合陰陽出以溫和。沒以涼連。出不收。陽氣盛。遲遲間出。是陰強。

水痘

水痘重者。亦類傷寒之狀。身熱二三日。而出形與正痘不同。凡瘡皮不薄。根起成暈。其頭漸漸赤腫。變白而黃。有膿。

而○瘥○遲○者○謂○之○大○痘○此○裏○症○發○於○臟○也○若○瘡○皮○薄○如○水○泡○
頂○亮○如○珠○或○破○卽○爲○乾○靨○出○無○漸○次○根○脚○全○散○而○色○白○或○
淡○紅○泠○泠○有○水○漿○者○謂○之○膚○瘡○又○名○水○痘○此○表○症○發○於○腑○
也○類○同○疹○子○較○疹○更○輕○故○發○熱○卽○出○出○後○卽○消○易○出○易○靨○
其○始○不○宜○過○發○過○發○則○變○爲○瘡○終○不○宜○燥○濕○燥○濕○反○致○難○
靨○惟○用○輕○劑○解○之○如○無○他○苦○不○必○服○藥○無○傷○性○命○者○也○然○
方○書○有○云○凡○水○痘○夾○黑○出○來○者○或○全○黑○色○者○十○死○一○生○書○
載○雖○有○是○條○而○實○未○見○有○是○痘○大○抵○原○係○正○痘○之○惡○者○故○
能○傷○人○而○人○誤○認○作○水○痘○耳○

班

班多得於天行時氣之病。壯熱不已。大便鞭結。是以熱留胃中。胃主肌肉。乃發爲班。班者。胃中留熱而爲裏症也。不可與疹子同治。而妄用發散之劑。以致反增危劇。宜人參白虎湯。去人參。加玄參。生地之類。主之。切忌五辛糯米助胃助火之物。便秘者。以三黃丸利之。赤斑者。十生一死。黑斑者。十死一生。然更有陰寒內伏。而逼無根失守之火。浮於肌表。而爲班點者。此胃氣極虛之症。若服寒藥。立見危殆。不可不知。

傷風咳嗽錄

痘疹

氣。肌。表。而。為。斑。標。皆。此。胃。康。神。氣。之。衰。皆。風。寒。藥。立。見。效。
 斑。者。十。張。一。半。然。更。有。創。寒。內。外。而。鼓。無。界。夫。苦。之。火。皆。
 胃。也。火。之。神。野。好。香。以。三。黃。武。臣。之。衣。斑。者。十。坐。一。五。里。
 白。氣。野。夫。人。參。吹。玄。參。半。此。之。賤。主。之。世。公。正。辛。蘇。米。也。
 可。與。參。干。同。治。而。矣。用。錢。辨。之。隨。以。錢。又。曾。說。陳。宜。人。參。
 胃。中。胃。主。肌。肉。心。發。為。斑。斑。者。胃。中。密。熱。而。為。裏。斑。也。不。
 斑。者。骨。外。天。行。邪。氣。之。疎。也。熱。不。与。大。頭。難。治。甚。以。絳。石。

斑

馮氏錦囊秘錄痘疹全集卷十四

男 乾元龍田

海鹽馮兆張楚瞻甫纂輯 門人王崇志慎初全較

男 乾泰坦公

彙集古哲治痘諸方

凡痘如終用藥諸要悉具蘊遺門用藥活法條內參看

稀痘神方

臨痘之時。調理氣血。便是預防良法。若用解毒清涼。反傷胃氣。且阻遏毒勢。常多水伏內攻。

硃砂

一錢。揀明淨者。研細。

真麝香


五釐

草麻子

肥白者。三十六粒。去殼。紙裏壓去油。

共研成糊。用新筆蘸藥塗兒頂顛前後心手足心兩手

灣兩腿灣俱似象棋子大。任其乾落。不可洗去。惟端午



午時搽之必效。此方搽一年者，止出數十粒；搽兩年者，

之家，已十六世不出痘矣。張不敢秘，用者珍之。

神功消毒保嬰丹

每歲春分秋分服藥一丸，能預消痘毒。若服三年六次，毒盡消滅，痘必無虞矣。

纏豆藤

一兩五錢。其藤八月間，附毛豆梗上纏繞。細紅絲者是也。採取陰乾，妙在此藥為主。

山查肉

一兩。新升麻七錢。生地一兩。川獨活二錢。牛蒡子一兩。

甘草

五錢。黑豆三十粒。赤豆七十粒。當歸酒洗五錢。赤芍五錢。桔梗五錢。

連翹

去枝梗七錢。辰砂五錢。水飛過用黃連五錢。防風各五錢。荆芥各五錢。

苦絲瓜

二箇，長五寸，隔年經霜者，妙燒灰存性。為細末，和勻砂糖拌。

丸如李核大，每服一丸。甘草湯化下。諸藥預先精辦遇。

春分秋分或上元中元日修合務在精誠忌婦人猫犬
見之合時向太陽對藥祝之祝曰神仙妙藥體合自然
嬰孩吞服天地齊年吾奉太上老君急急如律令勅
一口氣念七遍

梅英稀痘丹

用梅花蕊

七朶研爛

硃砂

極細水飛一錢

除夕砂糖調

服出痘必稀再用一服者痘可不出

稀痘龍鳳膏

地龍

即蚯蚓一條細小紅活白頭者佳

烏雞卵

一個

用雞卵開一小竅

入地龍在內夾皮紙糊其竅飯上蒸熟去地龍與兒食

之每歲立春日食一枚終身不出痘瘡凡值痘症時行
卽食一二枚甚妙或春分日亦可食

稀痘鼠肉方 取雄鼠肥大者去毛皮腸穢用砂仁食鹽
和水煮爛食之痘出稀少未食葷時與食尤妙

稀痘鯽魚方 鯽魚不拘大小去鱗腸不可用水洗將芫
荇切細畧用鹽入魚腹內外以草紙包裹火中煨熟陸

續與兒嘗食甚可稀解痘毒其鱗腸骨刺俱埋之

稀痘蝦蟇方 八月內取大蝦蟇去頭皮骨用淨肉鹽花
香油鍋內燂熟食之十餘枚更妙可免痘疹之虞

脫丹

蟬退

鳳凰退

即抱出

神仙蛻

即父母

四味各等分焙為細末每服一錢蜜丸如菉豆大每年

除夜服三年後永不出痘

種痘雞蛋方

單養黃雞雌雞一隻不可與雄雞一處及大生蛋七箇照次序圈記收藏不可寫字切忌

蚊蟲買小篾籃七箇盛之用繩照數繫細竹根為記號置無女人到東廁中浸十二月初一日將頭蛋一箇浸初二日將第二箇蛋浸初三至初七照依每日浸一箇到初八日查看竹棍數記照數將先浸者逐日取出一箇用瓦罐煮熟空心食之一生無疾患壯實功效不可勝言

玄兎丹

玄參

五兩以木槌打碎晒乾取末

兎絲子

十兩水淘淨晒乾取末

二味勿犯鐵器黑沙糖丸彈子大每日沙糖湯服三丸

稀痘烏魚湯 十二月三十日黃昏時將七星大烏魚一尾小者二三尾煮湯將兒遍身浴洗耳鼻口孔各要水到不可因魚腥而用清水洗去不信或留一手或留一足不洗遇出痘瘡其未洗處獨多為驗也

麻油擦法 將痘發之時行之重者變輕每夜臨臥時用手中三指蘸麻油擦兒頭額頂背腰兩手腕兩足腕然後睡此暢達流通升脫凝滯之義也

稀痘保嬰丹

纏豆藤

陰乾 四兩

紫草茸

四兩酒洗 忌鐵器

防風

二兩

升麻

二兩鹽水炒

荆芥穗二兩 牛蒡子二兩 甘草梢二兩 硃砂三錢 天竺黃一錢二分

牛黃一錢二分 蟾酥一錢二分 赤豆 黑豆 菜豆各四十九粒

為細末外用紫草三兩水三碗煎膏半碗入生沙糖半

盞和勻將前藥搗丸如赤豆大飛過硃砂為厚衣未出

痘時濃煎甘草湯磨一九服大人二九如已發熱用薑

湯磨服厚蓋出汗稠密者則減稀少者則散而不出已

見點甚密用甘草湯磨服一九亦可減輕但不可過服

輕斑散 治痘未見點服之多者少少者無

絲瓜近蒂三寸連皮 硃砂淨末五分 用沙糖調下

子燒存性為末

馬天... 痘疹... 治痘諸方

敗毒散 治初熱壯盛等症

升麻 乾葛 紫蘇 川芎 羌活 防風 荆芥

前胡 薄荷 桔梗 枳殼 山查 蟬退 甘草

地骨皮 牛蒡子 薑水煎加葱白汁五匙熱服

蘇解散 治痘初壯熱毒盛頭痛腰痛腹痛等候

紫蘇 乾葛 防風 荆芥 白芷 紫草 蟬退

升麻 牛蒡子 木通 甘草 燈心葱白水煎服

參蘇飲 治壯熱風痰寒熱體痛咳嗽

陳皮 茯苓 半夏 桔梗 甘草 紫蘇 乾葛

前胡 人參 冬加麻黃一方加山查 薑蔥水煎服

升麻葛根湯 治初熱壯盛疑欲未明或痘已出而表熱甚

升麻 乾葛 白芍 各一錢 甘草 五分 山查 牛蒡子 各一錢

冬天加麻黃五分 加紫蘇筍尖水煎服

加味葛根湯 治痘失表發熱譫語

升麻 葛根 赤芍 甘草 桔梗 柴胡 荆芥

防風 連翹 牛蒡子 木通 水煎服

豬尾膏 治痘倒靨心神狂亂不寧 取豬尾者以其常動欲其發散於外也

用小猪尾尖刺血二三點入生腦子少許辰砂末一錢

馬氏綿囊必錄 痘疹 卷一 治痘諸方

同研成膏木香湯化下

獨勝散

又名奪命丹

治痘不起頂或紫黑陷倒靨

穿山甲

酒炒成珠三錢取紫色及前足者佳

麝香分一

為末小兒三四分

大人七八分木香煎湯少入酒調下熱甚者紫草湯下

昇花散

錦囊秘方

初發托痘神妙

穿山甲

土拌炒黃一兩取頭上及前足者佳

紅麴一錢

共研極細用

雄雞冠血和酒釀調服人大錢餘人小自四五分至七

八分神效較前方更佳蓋痘中麝香不可輕用耳

人牙散

治痘黑陷或紅紫黑班咬牙寒戰

人牙

自落者火煨存性人葦菜汁
泮大牙三次小牙二次為末

麝香

一分或加紅麴

用雞冠血調成膏乳酒各半盞入葱白煎調送下凡服

止二三不可過多則陽氣盡出於表主痘斑爛無

血色陰氣內盛必裏寒瀉泄急以四君子加芎歸服之

無價散

治黑陷欲死者

一方加麝香片腦少許

用無病小兒糞陰乾於臘日將傾銀確二箇上下合定

鹽泥固濟火煨通紅取出為末蜜水調服一錢

烏金膏

治因風寒痘不起發或紅紫或驚搖

僵蠶

酒洗

全蝎

酒洗去足尾

甘草

紫草

白附子

味苦內白者真

痘疹

治痘諸方

麻黃 各五錢 穿山甲 炒末二分 蟬退 去土頭足二錢 為末另將紅

花紫草各一兩好酒一鍾熬至大半去渣下蜜五兩慢

火同熬滴水成珠為度九龍眼大每服一丸燈心湯下

紫草膏 治痘頂色紅紫黑陷

僵蠶 五錢酒洗 全蝎 酒洗去頭尾 麻黃 不去節各一兩 白附子 裹過上白者佳五錢

紫草 一兩 穿山甲 三錢 蟬退 三錢酒洗去頭尾 蟾酥 一錢 為末另將

紫草一兩煎去渣熬成膏又用蜜二兩入好酒半盞同

紫草膏和前末藥丸如棗豆大每三四歲者服一丸如

痘紅紫黑陷者紫草湯下色淡薄灰陷者美酒化下

紫草飲

治痘熱出齊服此重可變輕

紫草二兩細剉百沸湯一盞泡以物蓋好勿令泄氣俟
溫量兒大小與服多至一合少至半合雖出亦減又方
紫草五錢醇酒半盞煎服治痘夾黑點子者名紫草酒
芫荽酒 治痘出不快

芫荽四兩細切以好酒二鍾先煎數沸入芫荽再煎少
時用物合定不令洩氣候溫要從項至足勿噴頭面使
香氣襲運自然出快

解毒散

治毒先發腫者名爲痘母十發九死

金銀花五兩 甘草一兩 粘子 防風 荆芥 連翹

木通各三錢 酒水各一鍾煎服

涼血解毒湯 治瘡出而熱不退紅不分地或癢苗乾枯黑

紫草一錢 生地八分 赤芍 蘇木 防風 荆芥 黃連

木通各三分 紅花 天麻 甘草各二分 牛蒡四分 柴胡八分

牡丹皮七分 燈心糯米水煎服

四君子湯 補氣調胃

人參 白朮 茯苓 甘草 薑棗水煎服

四物湯 養血調榮

川芎

當歸

熟地

白芍

酒炒七日
後方可用

水煎服

以上二方共劑名八珍湯再加黃芪
官桂名十全大補湯並為大補氣血

保元湯

黃耆

三錢 人參

一錢 甘草

一錢

薑棗水煎服

或加桂枝以翼助參耆之力

大保元湯

治頭暈根窠雖經皮軟且薄血有餘而氣不足也

黃耆

三錢 人參

一錢 甘草

五分

川芎

一錢 官桂

一分 白木

炒一錢

薑棗水煎服

補中益氣湯

治痘虛熱

黃耆

一錢 人參

五分

甘草

炙各一錢

白朮

炒黃

陳皮

留白

當歸

酒炒五分

升麻 蜜酒炒 柴胡 各三分

薑棗水煎服

人參歸芪湯

治痘頂不起，血不紅活，雖或成癩而破，嫩色白，乃氣血不足之症也。

黃耆 一錢 人參 一錢 甘草 八分 當歸 一錢 川芎 一錢 官桂 三分

山查 八分 紅花 酒洗 白朮 糯米水 薑水煎服

生脉健脾湯

治漿既成，皮軟色白，乃氣不足也。氣不足補氣血，不足補脾，脾旺則血生，固其本也。

黃耆 一錢 人參 一錢 甘草 三分 當歸 川芎 白芍 各八分

白朮 糯米水 官桂 三分 茯苓 五分 紫草 酒洗 四分 加薑一片

紅棗 一枚 糯米 五十粒 或加酒洗紅花三錢

七真湯 治痘不起，脹瀝

淫羊藿

三分多
剛發瘡

人參

八分

穿山甲

土炒
三分

黃耆

一錢
五分

甘草

川芎

酒洗
五分

當歸

酒洗
八分

薑棗糯米水煎服

二方
加木香二分

香

二分

當歸活血散

治痘血熱焦紫

當歸

酒洗
培乾

赤芍

酒浸
炒

生地

紅花

紫草

水煎服

又方

當歸

酒洗
培乾

赤芍

酒浸
炒

紫草

川芎

紅花

各五錢

水煎服

血竭

一錢
木香

二錢

為末

每五歲者服一錢

十歲已上者

二錢

好酒調下

熱極焦紫不紅

活者酒煎紫草汁調下

保生散

治氣血俱虛

灰白不貫膿

紫河車

一具
酒洗去紅

敗龜板

酥炙
五錢

鹿茸

酥炙
五錢

治痘諸方

酒蒸熟為末

治痘諸方

酒蒸熟為末

治痘諸方

酒蒸熟為末

治痘諸方

酒蒸熟為末

治痘諸方

酒蒸熟為末

酒蒸熟為末

治痘諸方

酒蒸熟為末

治痘諸方

酒蒸熟為末

治痘諸方

酒蒸熟為末

治痘諸方

酒蒸熟為末

治痘諸方

酒蒸熟為末

治痘諸方

酒蒸熟為末

治痘諸方

酒蒸熟為末

治痘諸方

酒蒸熟為末

治痘諸方

酒蒸熟為末

治痘諸方

爲末每服錢許氣虛保元湯下血虛芎歸紫草煎湯下

異攻散

凡瘧疾白瘧塌咬牙寒戰泄瀉腹脹並宜服之如症非虛寒者不可輕用

人參 白朮 茯苓 當歸 陳皮 半夏 厚朴

木香 丁香 肉果 附子 官桂 薑棗水煎服

勁陽丹

治痘平塌不起根窠不紅

黃耆 酒炒 人參 酒炒 川芎 當歸 酒洗 白芍 酒炒 各一錢

紅花 五分 陳皮 八分 官桂 二分 薑棗水煎服 一方加皂角刺七分

理中湯

治寒瀉便清不渴嘔吐脾胃虛寒

人參 白朮 炒 甘草 炙 炮薑 各等分 薑棗水煎服本方加

附子名附子理中湯治陰寒厥冷腹脹自利沉篤等候

治中散 治虛寒瀉利不進飲食

黃耆 人參 白茯苓 白朮 川芎 當歸

肉桂 各五錢 肉果 麪包煨熟去麪切片以 丁香 一錢五分

木香 三錢 為末每五歲用五分好酒調下衣被蓋暖

少頃痘自變紅而起

白朮調元散 即參苓白朮散加減 治胃虛不進飲食或兼吐瀉

人參 白朮 茯苓 甘草 白扁豆 炒蓮肉

山藥 炒各一錢五分 桔梗 八分 薏苡仁 七分 砂仁 七分

馬氏綿囊必錄 痘疹 卷十 新定方

為末每服一錢或五六分藥湯或薑湯下

堅腸湯 治痘作瀉不止

黃耆各 白木炒黃各 山查肉七 川芎 陳皮留白各

升麻酒炒 肉果麵裹煨去 加牙棗三枚 水煎服

犀角地黃湯 治諸失血世以此方治血熱痘瘡然心甚

芍藥 生地 牡丹皮等 犀角磨 水煎沖犀角汁服

人參白虎湯 暑盛煩渴痘出不快及麻豆斑疱熱毒

人參五 石膏四 知母一 甘草三 粳米水煎服

本方去人參印白虎湯

生脉散 止煩渴首尾通用

人參 五味子 麥門冬 水煎當茶服

參苓白朮散

治痘已靨未靨身熱不退煩渴不止此藥極能清神生津

人參 白朮 白茯苓 甘草 乾薑 木香 藿香

麥門冬 等分水煎服

五苓散 分陰陽利水道

白朮 赤茯苓 猪苓 澤瀉 肉桂

薑水煎服本方去肉桂即四苓散

導赤飲 治小便赤煩渴發驚

馬天綿囊必錄 痘疹 卷十 治痘諸方

生地 木通 甘草 人參 麥門冬 水煎服

四順飲 治大便秘

大黃 當歸 芍藥 甘草 水煎服

甘桔湯 治痘咽喉不利或痛

甘草 桔梗 水煎服

利咽解毒湯 治痘咽喉疼痛首尾可用

山豆根 一錢 麥門冬 一錢 牛蒡子 炒七分 玄參 七分 桔梗 一分

防風 五分 甘草 二分 菜豆 九粒 水煎服

吹口丹 治口疳

黃連

青黛

兒茶

片腦

為細末吹之

蟾酥丸

治痘不起發頂陷一切驚風並治

蟾酥

一分

牛黃

三分

人牙

一分

雄黃

珍珠

各三分

硃砂

五分

為末人乳丸黍米大每人參湯下七九

治驚加全蝎僵蠶

參附湯

治痘後發瘋手足麻木無汗

人參

附子

防風

羌活

麻黃

葱水煎服

香附湯

治痘後發瘋手足難動常出汗

黃耆

附子

當歸

防風

全蠲

水煎服

回漿散

治痘不收漿結靨

馬氏秘傳必錄痘疹卷一

治痘諸方

三

何首烏

白芍藥

酒炒

黃耆

蜜炙

人參

甘草

炙

白朮

炒黃

白茯苓

薑水煎服

象牙散

治痘不同漿結靨

人參

黃耆

白朮

各一錢

甘草

七分

茯苓

一分五分

何首烏

一錢

煎糯米一撮棗二枚水煎送下牙末一錢

四日風湯

治痘下痢膿血

人參

白朮

茯苓

官桂

川芎

當歸

芍藥

加粟米一百粒水煎

阿膠駐車丸 治痘後下痢膿血併腸振

當歸二兩 黃連四兩 乾薑炮一兩 五錢

炒成珠醋煮膏和末藥丸如梧桐子大每服二十丸食

前米飲下日二服小兒研化

人參敗毒散 治餘毒發癰腫

人參 赤茯苓 羌活 獨活 前胡 薄荷 柴胡

枳殼 川芎 桔梗各等分 甘草減 牛蒡子 葱頭水煎

本方加防風荆芥連翹金銀花即荆防敗毒散

大連翹飲 治痘後一切發熱赤腫癰毒

連翹 防風 荆芥 牛蒡子 當歸 柴胡

馬氏錦囊秘錄 痘疹 卷十四 治痘諸方

黃芩 梔子 蟬退 赤芍 溲前子 朱通

滑石 甘草 薑水煎服

四聖膏 治痘疥挑破以此點入 一方加冰片五釐

七粒珍珠火上燒 豌豆七七鍋內炒

男髮不拘灰多少 加入臘脂真箇好

二聖散 治同前

雄黃 三錢 紫草 三錢

共研末用油胭脂調入

三豆散 痘後癰毒初起紅腫用黑漿赤一二豆以醋浸研

漿時時以鴨翎刷之隨手可退

敗草散

治痘斑爛不止用爛茅桿

不拘多少

取多年蓋墻屋

者久感天地日月精華雨露風霜之氣善解瘡毒功難

盡述或晒或焙研細敷瘡或攤席上令兒坐臥神妙

綿鹽散

治痘後疔蝕瘡膿水不絕用出蛾鹽不拘多少

將生明凡末入內填滿燒令汁盡成灰爲末按之

茶葉方

治痘遍身無皮膿水不已茶葉揀盡粗梗水煮

取起濕鋪床上草紙隔層令兒睡上一夜則膿水皆乾

洗肝散

治痘毒攻眼障腫血縷遮睛

川芎

歸尾

防風

羌活

薄荷

梔子

甘草

右各等分水煎食後服

兔糞丸

治痘入眼或生翳障

兔糞

四兩炒

石決明

用七孔者火炙一兩

草決明

一兩

朱砂

去節一兩

白芍

一兩

當歸

酒浸五錢

防風

去蘆一兩

穀精草

二錢

為末蜜丸

如菜豆大每服數十丸荆芥湯下

又方用兔糞焙乾

為末蜜丸如豆大每用酒下二三十丸

搽目方

用象牙磨水搽入目內善治痘瘡入眼

京肝明目散

治痘後羞明

當歸

酒洗

龍膽草

酒洗

密蒙花

柴胡

川芎

防風

酒連

各等分以獺猪肝煮湯煎服

望月砂散

治痘後兩目暗室中不能開者

穀精草

五錢

密蒙花

酒洗五錢

蟬退

去刺足五錢

望月砂

即兔糞一兩

其為細末用獺猪肝一兩竹刀剖開用藥一錢摻在肝內水煮肝熟飲汁食肝神效

吹耳丹

一方加雄黃麝香少許

輕粉

黃丹

珍珠

為末左眼翳吹右耳右如之

密蒙散

治小兒痘疹及諸毒入眼

密蒙花

一錢五分

青箱子

一錢

決明子

一錢

車前子

五分

馬氏錦囊秘錄

痘疹

卷十四

治痘諸方

三

右爲末、羊肝一片破開、摻藥在內、合好、濕紙重裹、煨熟、空心食之。

通聖散 治小兒痘瘡入眼、及生翳膜、

白菊花

一兩

棗豆皮

一兩

穀精草

去根梗 一兩

共爲末、每三

歲用一錢、乾柿一個、生粟米泔水一盞、同煮、泔盡去藥、食柿不拘時、日用二三個、近者五七日、遠者半月愈。

鼻胎散

治妊婦出痘

川芎

當歸

白芍

人參

白朮

桔梗

升麻

柴胡

條芩

防風

荆芥

白芷

乾葛

砂仁

紫草 阿膠 赤茯苓 加糯米水煎服

安胎獨聖散 胎動服此服後覺胎熱則安矣

砂仁 連殼慢火炒去殼為末 每服半匙熱酒調下 又方用苧麻根搗爛敷

鱗 一方用伏龍肝井水調敷亦可

柳花散 治室女發熱經行

柳花 五七錢 紫草 一兩一錢 升麻 九錢 歸身 七分

為末每服七錢葡萄酒調下

水楊湯 治痘瘡乾起不起 用水楊柳 生水邊細葉紅根

秋夏用枝葉切碎水煎七八沸先將一分置盃內候溫 令先服內托之劑然後浴洗漸添湯不致太冷浴洗

馬氏綿囊秘象 痘疹 卷十四 治痘諸方

久許以油捻點燈照之。藥纒有起勢，起處覺暈暈有絲。此藥影也。如藥不滿，再浴若弱者，只浴頭面手足。既不赤體，不厭多洗。如以燈照而無走勢者，乃氣血敗而津液枯矣，不治。

陳氏木香散

治中氣虛寒，泄瀉腹脹，痘色慘白。

木香

臨時磨服

大腹皮

黑荳汁洗淨用

人參

各二錢

赤茯苓

前胡

青皮

去穰炒

半夏

湯泡七次

丁香

訶子肉

甘草

各二錢五分

桂心

一錢五分

為末，每服三錢，薑棗水煎，隨兒大小加減。

參苓白朮散

治虛出裏寒，飲食少進，大便泄瀉，小便清白，神氣倦，口鼻氣冷，痞不起發。

人參

白朮

土炒

白茯苓

乾山藥

蓮肉

去心

桔槔

薏苡仁

藿香

砂仁

甘草

為末，米飲調服。

穿血化毒飲 治痘初出瘡頭焦黑

歸尾 赤芍 生地 木通 連翹 桔梗 紅花

紫草 牛蒡子 山豆根 水煎調入燒人糞一錢服

解毒托裏散 治痘稠密

桔梗去頭 牛蒡子 人中黃 防風 赤芍 荆芥穗

歸尾酒洗 蟬退 升麻 乾葛 酒紅花 連翹去枝梗心

水煎入燒人糞調服

四物快班湯 治痘火盛乾燥

當歸酒洗 川芎 赤芍 生地 荆芥穗 牛蒡子

馬氏綿囊必錄 痘疹 卷十四 治痘諸本

升麻 葛根 連翹 去枝梗心 紫葶 地骨皮

等分水煎入燒人糞服

大補保命湯 治痘皮嫩易破者

人參 黃耆 當歸 酒洗 生地 酒洗 川芎 赤芍 甘草

牛蒡子 防風 蘆去 荆芥穗 連翹 去枝梗心 官桂 去粗皮

水煎入燒人糞服

補脾快斑湯 治手足痘不起者

人參 黃耆 甘草 防風 蘆去 防己 酒洗 桂皮 去 水煎服

涼血芍藥湯 治痘作痛

芍藥

酒炒

當歸

酒洗

生地

酒洗

紅花

酒洗

地骨皮

酒洗

等分

水煎

白龍散

治痘潰爛

用乾牛糞燒過取中間白者研篩敷之

人參清神湯

治痘痂不落昏迷沉睡

人參

黃耆

甘草

當歸

酒洗

白朮

土炒

麥門冬

去心

陳皮

酸棗仁

黃連

酒炒

白茯苓

加棗一枚糯米一撮水煎

白鷹糞散

治痘痂不落成癍痕者

鷹糞

取白色燒灰

馬齒莧

不拘多少

曬乾燒灰蜜水調塗臍上

又方用馬齒莧搗汁猪膏脂石蜜共熬膏塗腫處

羊鬮骨髓方

治痘痂欲落不落瘡痕

馬天綿震必象痘疹

治痘諸方

羊鬪骨髓一兩煉入輕粉一錢研成白膏塗瘡上

玄參化毒湯 治痘後赤火丹瘤

玄參 歸尾酒洗 紅花酒洗 連翹去核 軟石膏 地骨皮

赤芍 防風 荆芥穗 木通等分 加淡竹葉水煎服

蜈蚣法 用馬蝗即水蛭 大者置紅腫處吮去惡血即愈

當歸湯 治盜汗

當歸 黃耆 生地 麥冬 甘草 黃連 白芍

浮小麥 用獾豬心竹刀批開煮湯煎藥服之效

白朮膏 補中氣固自汗

用白朮去蘆米泔水浸一宿飯上蒸晒三四次乃切片
炒黃清水煎取頭二汁去渣慢火熬成膏白湯調服虛
極者人參湯調服

潤腸湯 治虛秘

歸梢 甘草 生地 火麻仁 桃仁泥 水煎服

仙方活命飲 治痘癰毒 去薄荷連翹即十三味敗毒散

白芷 防風 乳香 沒藥 甘草 連翹 赤芍

穿山甲 炙 歸梢 天花粉 薄荷 角刺 貝母 各一錢

金銀花 三錢 陳皮 一錢 水酒各半煎服

馬天... 痘疹... 治痘諸方

神效隔蒜灸法

治痘疔毒氣熾盛使諸痘不能起發起發者不能貫膿貫膿者不能收靨或大痛或

麻木痛者灸至不痛不痛者灸至痛其毒隨火而散凡疔挑破出毒血者可治若挑破不痛不出血者難治若用此法灸之即知痛更用銀針挑破紫血隨出諸毒隨貫亦有生者

其法用大蒜切三分厚安痘疔上用小艾炷於蒜上灸之每五壯易蒜再灸若紫血出後腫痛不止尤宜常灸

拔毒膏 治痘疔

雄黃 一錢 研

用胭脂重浸水令濃調雄末點痘疔頭上

立時紅活亦神法也蓋雄黃能拔毒胭脂能活血耳

涼血解毒湯

治女人出痘非經期於發熱時經水忽至

當歸 一錢
白芷 五分
升麻 四分
紫草 一錢
紅花 一錢
赤芍 一錢

桔梗 一分
連翹 一分
燈心水煎服

當歸養心湯 治女人出痘口瘡不能言者

人參 當歸 麥門冬 甘草 升麻 生地

右各等分 燈心水煎服

加味歸脾湯 治女人經閉不通血海乾涸適逢出痘以此調其心脾使血勿妄行

人參 白朮 茯苓 黃耆 甘草 木香

遠志 去心 地骨皮 一錢
棗仁 一錢
薑棗水煎 加味者加
柴胡 山梔

加味逍遙散 治症同前

馬氏... 痘疹... 治痘諸方

白朮 白茯苓 當歸 白芍 甘草 柴胡 各等分

大棗 一枚 加味者加山梔牡丹皮 水煎服

黑神散 治婦人出痘分晚後瘀血作痰

當歸 川芎 熟地 乾薑 炒 桂心 蒲黃 炒 木香

香附米 童便炒 青皮 黑豆 水酒煎服

防風解毒湯 治痘當時令溫煖以此辛涼之藥發之

防風 薄荷 荆芥 石膏 知母 桔梗 牛蒡子

甘草 連翹 木通 枳殼 加燈心淡竹葉水煎服

桂枝解毒湯 治痘當時令大寒以此辛溫之藥發之

桂枝

麻黃

酒炒

赤芍

防風

荆芥

羌活

甘草

桔梗

人參

川芎

牛蒡子

生薑

水煎服

升麻解毒湯

治痘當時煖時寒以此辛平之藥發之

升麻

葛根

羌活

人參

柴胡

前胡

甘草

桔梗

防風

荆芥

牛蒡子

赤芍

連翹

淡竹葉

水煎服

加味麻黃散

治麻痘壅熱不出以此發之

升麻

酒洗

麻黃

酒炒

人中黃

牛蒡子

蟬退

水煎服

神治痘後生瘡每年發如癩諸藥不効用之三日即愈

馬天... 痘疹...

治痘諸方

熟鷺油四兩 蜜蠟五分 萊菔子焙研細末三分 川椒焙研細末三分 土硃四分

四末俱入油內攪勻搽之

養榮湯 治麻痘色白

人參 當歸酒洗 紅花酒洗 赤芍 桂水 甘草 水煎服

瀉白散 治麻症咳嗽

桑白皮蜜炙 地骨皮洗去土硬 甘草 淡竹葉 煨心水煎服

麥冬清肺飲 治麻後咳嗽出血

知母 貝母 天門冬去心 桔梗 甘草 杏仁去皮尖

鼠粘子 石膏煨 馬兜鈴 糯米水煎服

奪命五毒丹 治痘黑陷倒靨乾枯不起者神驗

月魄 蟾酥 少許 吐月華 牛黃 二分 銀紅 硃砂 一錢 男王 雄黃 三分 梅精 冰片 二分

用積猪尾血為丸、麻子大薄荷湯下一丸、移時紅活

百祥丸 治痘黑陷甚者

紅芽大戟 川漿水煮極軟、去骨晒乾、復入汁、汁盡

焙乾為末、如粟米大、每服一二十九、研赤芝麻湯下

何號周天散 治痘黑陷、項強、目直、視腹脹喘急發搐

蟬脫 五錢 酒淨 地龍 一兩 去土 為末、量兒大小、煎乳香湯調下

治痘濕爛五方 一方用蠶繭燒灰存性、加枯礬少許

治痘常用湯散歌括

又方用牛糞燒存性、加麝少許、又方用陳牆上敗草、
或晒或焙爲末、又方用陳牆上白螺螄、燒存性爲末、
又方松花一味、研爲細末、

治痘常用湯散歌括

十神解毒牡丹紅、桔梗生歸赤芍芎、大腹翹通燈草共、三
朝血熱奏奇功。

羌活散鬱芷荊芎、紫桔翹甘地骨同、大腹鼠粘防燈莖、氣
粗熱湧顯神通。

保和湯內地參、紅紫桔查芎草木、通糯米燈心與薑水、十

神服後用催膿

透肌散與保和同紫枯查芎草木通蟬鼠參陳燈棗共羌

防服後助成膿

保嬰百補四君湯山藥當歸芍地黃八九日來漿足後調

和血氣是良方

保元湯用草參耆白朮苓歸熟地隨芍藥川芎乾薑桂太

陰不起用無疑

大連翹飲芥防風赤芍歸柴草木通滑蛻黃苓梔子共更

加紫茸最神功

馬氏龜屢必錄痘疹卷一
治痘常用湯散歌括

四順清涼草大黃當歸赤芍共稱浪。氣粗熱秘須煎服。熱瀉還須入木香。

木香散用桂參苓腹勒青前草半丁。薑水共煎溫服後表。灰內泄妙通靈。

異攻散用桂參苓朴果歸陳木木丁。附半爲臣薑共棗頭。溫足冷妙如神。

泄瀉須知用理中。人參白朮草薑同。四肢厥冷兼筋轉。附子加添始奏功。

泄瀉還須用益黃。青皮訶勒草丁香。或加肉蔻木香等薑。

棗同煎是聖方。

以上諸方、遵古類書、以備查考、但按治痘湯中、如殭蠶、
爲痘科之要藥、而古方不用者、居多、大抵其意專以治
本爲主、况如四君四物等湯、原非單爲痘門而設也、至
於生薑、止爲疎散風寒之需、而古方不論補瀉、槩加大
抵薑三棗二、古人首重脾胃起見也、不敢擅行刪潤、謹
將平正穩當諸方、悉行彙錄、便於做法、內有嗜奇怪異
及用天靈蓋胎骨諸方、德朱被於生人、禍先及於枯骨、
殘慘實甚、殊失天心、悉行刪去、不敢混陳、至於更切治

痘諸藥張製用藥活法此修於補遺門內相為參看幸

高明鑒諸

不誤平五蘇當蓄衣悉行氣發動燥燥其內百製音到異

灰燕薑三棗二古人首重軛胃坎具也下煎蘇行斷斷薑

與坎主薑土為煎煎風寒之需而古衣不益蘇煎藥祇大

濕本為主坎坎四岳四砂善感風非單為坎門而歸也至

此為坎候之要藥而古衣不用者豈矣大堪其意專以欲

子以土蓄衣數古賤書以論查考卧蘇煎蘇煎中坎蘇煎

藥同煎吳望志黃青皮詞歌草下香或加肉蔻木香等

馮氏錦囊秘錄痘疹全集卷十五

痘疹補遺

古藥錄
馮氏珍匣

古哲方論雖已備纂前集然書亦有未及之論未盡之旨兼之今古不同氣化迥異謹將近時所見及臨症治按并川藥活法不揣固陋統列於後以補所遺

一凡先見耳廓內而多者屬腎經大凶若兼腰痛等候必死
一凡眉稜一片灰白而密甚者必至啞瘖不食九十朝決凶
一眼蛤之後流淚如膿淋漓不斷者必變壞症不治慎勿輕視之
一癩後眼開紅色者凶
一凡吐甚見痘者頭面必多
一凡凶惡痘症若驟見起勢須至六七日後方保無虞蓋至七日則五臟皆已傳遍常見起勢

馮氏錦囊秘錄 痘疹 卷十五 痘疹補遺

二三日忽變而死者蓋五臟勝復之理也凡一臟正氣之衰敗必由一臟邪氣之強勝勝已並衰同歸於盡猶燈盡復明皆無根之火故難久耳一痘毒發於足內踝者必死蓋毒發於腎故見太谿脉之所也一痘初舌上先起白色者凶蓋由丹田元陽有虧而氣無發生之本矣甚哉天地之氣日薄而人所稟之氣亦日虛也張少年臨症痘瘡之難出而成內潰者十之一二不能灌漿者十之二三不能收靨還元者十之四五蓋天稟尚壯得以耐病也腎元充足毒不能內伏也至於麻疹難出及既出而餘

熱不退喘促成凶者百之四五豈期今也有因腎元虧損不能升發送毒出表面而成內潰者十之三四有因疎表毒物太過正氣無力主持任其藥力之猛毒勢之銳衝激一湧而出然腠裏未疏氣血兩弱何能周行肢體形高聳而粗肥色潤澤而華美所以頭面獨多者火毒炎上也其形如麩如痞者發熱未久腠裏閉塞俗云地皮未熟而氣虛無力透出藥毒猛逐出表之象也其色如疹如丹者熱毒逼燦而榮氣逆行於肌表也然如麩如痞之形卽身中之氣如疹如丹之色卽身中之血旣將氣血趕出於肌表復

謂火毒熾盛寒涼解毒清胃化斑氣血既不能續運於中
寒涼復傷胃氣於內欲不乘虛復陷其可得乎是以十傷
七八有因氣血不充調治未善以致毒化未完血氣先竭
因而致斃者十之五六凡此者皆因稟受既虧所謂火與
元氣勢不兩立元氣虛而所勝之火毒益盛矣至於疹也
半因肺毒半屬時行全關乎氣血之厚薄以爲重輕更賴
乎調治之宜否以爲損益古人稟賦既厚且澹泊節愛腑
毒原輕是以易透易回今人膏粱炙燻寒暄素逆稟元則
薄受毒偏深是以稍有傳染勢便沉痾治者悉遵古法盡

作有餘之治。且以疹要清涼。痘要溫爲定論。以致陽虛不能升發者。頭面不起。陰虛不能退陽者。餘熱不退。陰氣未全之弱質。何堪久熱之傷陰。以致昏沉不食。喘促煩躁。中氣日虛。如以疎表透托風藥。則愈耗其陰。如以清肺解毒涼藥。則徒傷其胃。泄瀉一來。上熱下寒。喘促益甚。復謂疹毒歸肺。肆進苦寒。危亡立至。殊不知氣血不和。偏陰偏陽之謂。毒能使氣血和。陰陽平而毒化矣。故張立全真一氣湯。去人參以治麻疹頭面不起。壯熱不食。喘促昏沉。上熱下寒之候。無一不效。蓋內以熟地爲君者。取養陰以化陽。

也。以白朮炒麥冬爲佐者，一以托住中氣，得以耐病；一以清肺生水，更可制肝。以牛膝、五味子爲引者，用牛膝以抑浮陽之上，藥用五味子以斂濁陰之下，歸以製附子爲使者，令其直達下焦，引熱地以滋陰降火，引麥味以納氣藏源。真陰一得焦燦頓除，氣血一和，陰陽自適透者透而回者回，盪促昏沉之凶狀頓爲瓦解。或以附子大熱，白朮大燥，五味子大斂爲疑，殊不知附子無姜桂則不熱，同熟地陰藥便能滋陰降火最速也。白朮而有熱地則不燥，熟地麥冬數藥而無白朮在內，則力小而軟，且中氣餒弱，何能

運藥成功。附子通經達絡，斬關奪旗。既有白朮、駕驅、復借、五味、酸斂，則直固丹田，其陰翳之毒，何足慮也。附子之力，雖大，然疎泄太過，則氣殫散而不收。惟其一加收斂，則疎泄通經之力愈大。猶之嚴冬，陽氣閉藏固密，而後陽春之發生蕃茂，更如火炮而外皮堅固，而藥之內發有力，方能聲震遐邇。以此攻毒，何毒不摧。以此通經，何經不達。以此降火，何火不藏。以此滋陰，何陰不長。誠神功也。更有向患陰虛久嗽，寸強尺弱，麻疹隱伏，但脈宜於地黃湯，而不宜於疎表風藥者，張竟照脈立方，以六味加肉桂、五味子，不

二劑而疹透嗽滅神清思食熱退而痊此卽前方內有附
子之大力而不慮五味子之小技其義同也時都門麻疹
致斃者十有四五余總按脉用藥悉以救陰救陽爲主而
天枉者從無一人誠爲治疹法外之遺故不必以疹多實
熱班有假陽爲定論更不必以班疹分但當以虛實別疹
之虛者卽以治班之法治疹班之實者卽以治疹之法治
班至於痘瘡初起凡屬腎元不足者便宜按尺脉之陰陽
虧損固其天真以嘘腎元送毒出經切勿誤用苦寒以遏
熱毒在內便成內潰莫救至於外無風寒閉塞及肥白皮

細肉脆之嬰兒重幃參養之子弟切勿重加疎表以致正
氣無三乘勢奔潰而出矣倘腠裏素虛邪毒熾盛不待藥
力而一齊湧出者便宜乘其暫時毒盡在表其熱其勢姑
在少緩之時五臟六腑正在苟安之際此時於中只有正
虛乘勢急察陰陽之偏損對脈填補應犯而犯似乎無犯
五六朝來已有充灌成漿之具矣若到灌膿朝限火毒之
勢復熾滋補之藥便多碍手難投卽滋補之功亦難驟於
應手余有求情論專悉其義

在痘疹發熱門

如此挽救十可一活

至於不能收靨還元者非氣血不能續運於中卽脾胃有

失化源之本耳。調理脾胃補益真元。長養氣血。元氣勝而
毒自消弭。此易見之理也。

信乎無形之真陰真陽而爲生人之本。且治痘須察人元
氣而不可憑乎形質也。余六兒乾德因稟母氣不足。形肥
饒。白肉勝於骨。大便燥結。便甚苦楚。不知者以爲脾胃壯
實。此實腸中少津。所以大便燥結。腸中少氣。所以大便艱
難。且週歲之內。時患氣從臍下直奔而上。咳嗽不已。或用
人參一錢。帶衣胡桃二枚。同煎服而愈。後用此不效。乃用
八味加牛膝五味子煎服。甚安。卽以此作丸。每早白湯化。

膠錢餘然不耐疾病而偏疾病最多或旬日一病或半月
一病病卽委頓不堪余凡審其受寒發熱乃陽不足也卽
用辛溫衛氣之藥以散之加生姜苓朮參蘇薄桂之類如
受熱發熱乃陰不足也卽用辛潤榮氣之藥以勝之如養
榮湯地黃湯之類如停滯發熱乃脾氣不足也卽用扶脾
之中佐以推揚穀氣以化之如孤陽浮越而發熱不已必
審其因於脾虛者甘溫以除之因於陰中水虛者壯水以
制之因於陰中火虛者益火之原以消之務使壯火仍爲
少火而歸藏於中斷勿縱其壯火力窮於外蓋病發有餘

之日卽正氣不足之時設徒從標攻治則正氣不足而藥更不足之虛者日虛精神何自而長故如此調治以來疾病漸少精神漸生但肉勝於骨形肥旣白得之先天也時以出痘必犯腎虛內潰之患爲憂不意將及二週而當五月五日身熱汗多煩躁殊甚發熱不及一日而卽見點於天庭右太陽色白無光彩摸之不得手余欲攻之則恐一齊擁出余欲任之則汗多身熱能不慮其向來不足之腎陰益令熬煎枯竭耶况腎陰一竭則陰火愈旺而煩躁愈甚壯火蝕氣則正氣益虛而困頓益增痘將何所假借以

呈其形華其色而得煦之濡之之用哉斷不可以循常治
痘之法爲用矣故一朝止用大料六味地黃湯加升柴令
乳母連服二劑惟使腎陰不竭而煦濡有力毒自不能沉
匿於腎也二朝痘雖漸見已無內潰之虞但痘白與肉色
無殊身與四肢粗肥面上隱隱如瘡此陰虛不能華色陽
虛不能上達况身熱汗多煩躁如故而神氣更疲則陰津
陽氣並耗於外可不托住中氣填補真陰滋其化源抑此
煩躁斂其浮越之陽以逐陰翳之毒降其淆濁之氣以令
清陽之升耶故用熟地六錢炒白朮二錢牛膝二錢炒燥

麥冬一錢五分、五味子四分、極甜肉桂去盡粗皮者六分、
服後壯熱少減、漬汗少斂、煩躁少寧、痘瘡陸續漸出矣、三
朝四肢甚是起泛、其頭面雖見而不長、且色白與肉無殊、
余思氣血大虛、不待言矣、且元首見點未全、四肢便已起
脹、囊有水色、此脾元不足、肝肆強陽、四肢一鬆、元首見點
起、脹更難矣、况將來水泡發癢、可立而待也、乃用芎歸苓
朮灸草桂心天虫角刺煨姜大棗爲引、早晨服一劑、不用
人參者、晚間照此再服一劑、內加人參錢餘、所謂應犯而
犯、似乎無犯、豈拘古人人參戒用於三日之前爲定論乎、

四朝痘雖起而無神其色白如故惟有大補氣血兼重脾
元爲主其藥參芪芎歸苓朮桂心灸草天虫甲片角刺煨
姜大棗爲引五朝形雖稍起而無神色雖稍紅而甚淡藥
惟參芪歸桂灸草天虫甲片角刺補托而已六朝形雖稍
長而晦滯色雖淡紅而枯燥余思此原先天真陰真陽不
足今雖大補氣血尙不足以盡之蓋滋水兼得養血養血
兼不得滋水也乃用熟地六錢以滋水肉桂八分以補火
人參三錢以駕驅藥力補助真元七朝手足水泡已甚而
面上枯槁不榮其大便向來間日一次甚乾燥者今忽便

澹二次而失氣甚頻則熟地補陰之功緣中氣甚虛雖有
參桂不能運津液外達以成漿而任其下陷之勢以失氣
便澹則中氣愈虛能保其不泄瀉無膿倒陷乎乃用人參
五錢以保元白朮二錢以固中製附子六分以通經達絡
潰堅腐膿恐走下太速用炙甘草六分以緩之四味力大
功專中氣賴以得充津液憑斯外運但欲宣揚鼓舞使津
液無微不達乃桂枝之能歟乃用三分以爲使如此一劑
將數日調養之精華一夜頭面身體盡化濃漿而熟腐清
水之泡變爲濃濁但疼扁頰瘳乃煎生脉飲以補接元氣

養其醲漿之勢恐不耐痛苦神氣一傷漿勢反致退去也
 八九十朝以來惟早晚各用生脈飲一服化服平時所服
 加味八味丸錢餘乃依部結痲精神日長飲食勝前煩渴
 躁急俱為全愈如是善為調攝痘後尚然手背浮腫脚腫
 更甚余思此因胃氣甚虛四肢無所稟受其脚更腫者氣
 虛不能升舉也乃用人參一錢五分炙黃芪一錢二分炒白朮二錢茯
 苓一錢五分炙甘草六分酒炒當歸一錢酒炒白芍八分蜜酒炒升麻
 柴胡各三分煨薑大棗為引煎服數劑虛腫乃退但爪甲色
 黃而燥乃肝榮不足也是痿不能立此腎元大虛也乃用

痘疹

痘疹補貴

六味加地骨皮建蓮肉爲丸。每日早服二錢。滋肝腎以助筋骨之用。日中以八珍糕養脾胃以助化源之需。

余長孫大業稟賦先天陰分不足。且平時酷嗜甜物菓餅。而粥飯甚是依稀。以致脾虛濕熱。大便素澹。外生瘡疥。內蓄虻蟲。時年五歲。當五月發熱。見痘紅紫而無潤色。朝暮全不易眠。乃久患瘡疥。血少血熱。而且血滯也。奈胃氣久虛。濕熱太重。一二三朝無非升托清解涼血。如升麻乾葛。蟬脫天蟲。甘桔牛蒡生地。木通紫草。笋尖之類。無如穀氣久虛。虻蟲大厥。腹痛嘔吐。藥亦難受。尺許之蟲。一吐數條。

愈吐愈虛愈虛愈吐粒米不進勢甚狼狽五六朝來惟爲
溫補攻托以杜中虛倒陷其藥參芪炙草當歸熟地山藥
甲片角刺肉桂煨姜大棗爲引奈服後少頃亦吐七八朝
來痘雖起脹然上吐下瀉而津液不能外達痘囊何能滋
潤成漿乃用人參五錢白朮三錢炮薑一錢二分炙草六
分附子八分如此大藥到口亦吐余思藥力雖大下咽未
能卽達經絡可以吐出惟燒酒入咽卽直透丹田外達經
絡不能吐出者乃於藥內加燒酒三匙服之始能半吐半
受內仍泄瀉不止外仍乾涸無膿皆因脾元中氣素虛不

能○運○行○津○液○以○濡○潤○百○骸○而○三○焦○腸○胃○之○糜○裏○佛○鬱○結○滯○
 緻○密○所○以○縱○復○多○飲○於○中○終○不○能○浸○潤○於○外○以○致○內○濕○外○
 乾○也○乃○用○人○參○三○錢○保○元○以○為○君○炒○白○木○二○錢○固○中○以○為○
 臣○炙○甘○草○四○分○緩○其○下○行○以○為○佐○麻○黃○去○節○湯○泡○酒○浸○炒○
 焦○黃○八○分○仗○其○輕○揚○之○性○率○領○諸○藥○外○達○皮○膚○生○附○子○六○
 分○通○經○達○絡○潰○堅○腐○膿○並○以○為○使○煨○薑○三○片○止○嘔○和○中○助○
 陽○達○表○以○為○引○如○是○一○劑○驅○腸○胃○濕○熱○之○氣○外○達○皮○囊○而○
 盡○化○為○膿○久○凝○久○滯○之○毒○一○剂○頓○為○瓦○解○濕○熱○既○清○其○虻○
 虫○之○久○蓄○於○內○者○亦○難○自○安○前○後○共○出○一○十○六○條○自○後○皆○

飲獨參湯調理飲食。切戒甘肥。痲落之後。日進六味地黃丸二錢。而飲食精神俱爲倍長。

論血熱血盛血虛有異用藥宜涼宜治宜補不同

血熱一症須分虛實。有血虛之血熱宜涼。宜補。血盛之血熱宜涼。宜治。古人未之悉何也。凡痘初見點。內熱殊甚。脈息洪數。而痘色則白。不知者認爲氣虛。則誤矣。此乃氣盛。血虛。血熱。故不能華色。以同毒出外。氣餘而血不足。故形起而色白也。然血虛則熱。故發至血入痘窠。三四朝來。皆變紫色。黑色。或見黑斑。方知血熱。欲治何及。故不可不知。

及不可不預爲地步惟血旺者則起勢便紫了然血熱之
症分明然治血虛之血熱症大宜涼血兼補血蓋此症常
多熱勢雖清無血貫漿而成乾陷惟血旺之血熱者則大
宜獨與涼血而用治之之法其涼血劑中尤宜升托否則
血凝毒滯矣至於氣虛兼血熱者則血熱易於乾紫故涼
血法所必宜而氣虛又難鼎峻故攻托尤宜倍常但六日
前血熱症猶在尚有火勢其症似實治至血熱漸清則症
日復漸虛而且日復漸寒泄瀉寒戰勢所必至故始惟宜
清托迨至看來血熱之勢退一分卽須與氣虛之症做一

分地步矣。凡有傷脾動氣之品，不可徒顧目前而用。一至血熱將清，氣虛已甚者，便宜涼血劑中佐以人參補托。尤須用藥配治爲妙。可急則急，可緩則緩。在人之神巧得之於心，應之於手。太早則助熱爲殃，畧遲則補虛不及。每有直至寒戰泄瀉，並見投以補劑，無如服後卽瀉。瀉後又服藥力難停於中，功效難應於手。此遲滯者之罪也。復有血熱稍清，氣虛未甚，藥術方和，纔有白色行漿之勢。治者卽用參者，峻補以致反生熱勢。內則咽疼音啞，外則乾紅倒塌。此太早者之罪也。故凡治者於氣虛兼血熱症候，在清

托藥宜已補托藥應投之際大宜審究稍有太過不及便有死生兩路至於人大氣虛痘密毒多血熱勢清而氣虛則甚者若應大用參耆便每日人參兩許亦爲常法但必兼以托裏如天蟲角刺之味或佐姜桂鼓舞之功方可從毒外走而痘得充灌之益否則補中固宜而外達則緩如應大用參者持疑減少則正不勝邪焉能抵當其毒服藥後雖暫有應驗但力薄難久少頃則平塌如故不過延緩時日焉能化毒成功故元氣少虛者參芪雖少正氣自能協運藥力而周行以見功若元氣大虛者無力幫扶全賴

參芪勢大再得薑桂鼓舞方能運行獲效所以有少則
滯之語也此張心誠求之之法敢筆於後以補所遺若氣
虛而肺火射者用參勿用芪可也

蔣老先生之令孫女年方半週纔熱半日而卽見痘面色

向來說白余早料其出痘當必細密漿清者也果至見點

不但稠密無倫其胸背手足之間如蟾窠形蛇皮段者不

一而是面上之痘方及三朝乾枯灰白背項之痘紫陷不

榮要知元氣既弱而且滯榮血不能從氣以宣行故面似

氣虛身如血熱實因氣血不能週流所以滯而爲紫根窠

馬天... 痘疹... 痘疹補遺

平塌散漫實皆氣虛所致乃立進溫補充托早晨午後各
一劑人參各四錢沖藥服之晚間另煎人參三錢濃汁單
服其藥不過芎歸者桂天蟲角刺山藥灸草之類自四朝
以至七八朝峻補毫不少緩平塌者漸至高聳枯陷者漸
至潤澤清淡者漸至濃厚其為蛇皮蟾窠之處變成水泡
潰爛而痊

此治氣血大虛血凝氣
滯而似血熱之藥按也

一兒年五歲大便素澹飲食素少且素內熱而生瘡疥一
日發熱甚吐乃延余視右額有賊痘兩日矣卽挑破用油
臙脂封之更嫌澹嗽殊甚發表藥內倍加清利咽喉至次

日見點色甚紅紫仍用和啞表托涼血次日紅紫不減
頭面身體俱甚密頂甚平陷乃以前方倍加透托至四日
紅紫畧減平陷如故可喜者聲清不痛此清利之妙也至
五日頂原不甚起紫色原不退欲全催漿血熱爲碍欲再
涼血恐氣虛之症易見泄瀉乃於透托之中而半清半補
以催漿至六日形色如故乃用前方冲入人參服之至次
日空處又出無數贈痘前痘頂帶白色但根脚原紫乃用
前方倍用人參始乃漸漸有漿一二分至八九日泄瀉咬
牙痘色灰白此血熱稍清而氣虛症已全見矣乃用保元

湯加薑桂而泄瀉咬牙俱止。但漿色原如是。至次日往視。已有靨者矣。此因氣虛血熱兼血虛。且又密甚。則漿無由而成。幸贈痘一來。毒勢少洩。且起勢便與清利。故始雖卽。噎嗽音啞。而灌膿。幸無喉痛難食之患。且每見氣虛兼血熱者。五六日際。血熱少解。氣虛尤甚。泄瀉灰白。倒塌勢所必至。此時用參一瀉。竟過。則參力無益。故早為地步。凡動氣傷脾之味。素勿敢投。透托助脾之藥。早已為用。至如血熱雖未清。而氣虛已要緊。則人參原用。紫草亦投。猶恐紫草之寒。倍加粘米之制。謹慎扶來。今漿雖清淡。然痘出無

空地且素患瘡疥血少難以成漿但毒已外出故能食而不腹脹神清而不喘促當盡力調補使中氣不餒十二日外氣血少復自能祛毒成癰毒無容地自尋外竅而出矣果至十五日發一大癰於頭頂乃毒有定位可補托矣若不補托則痘疤卽白不能抵當其毒於是外用吸毒膏藥使毒高聳易膿傍用圍藥使不致毒氣散漫潰傷肌肉內服補托解毒之劑三十日而膿始盡靨方脫完疤竟紅活而全愈

此治血少血熱兼氣虛逆痘之藥按也

一王姓兒年歲餘患痘四朝廷予視痘雖四朝窠粒未起

且天庭一片如雲糊塗灰白舌有白苔予曰此痘毒未經
傳出寒伏丹田大宜升提透托一劑而起二劑紅活三劑
後而額骨身體俱有漿來但天庭一片灰白如故乃用參
耆炙草官桂之類始得鼎峻成膿收靨而愈若是則雲掩
天庭雖爲死症亦不可盡棄也

此治氣虛逆症變順僥倖成功者之藥按也

部主政徐老先生之令玄孫未及一週而患痘甚密額骨
形若蠶種色似臙脂咳嗽便澹精神甚弱且向生瘡疥氣
血兩虛更爲逆候奈主人諄諄求治余乃重用涼血養血
透托之藥三四朝來紅紫少減而額骨已有乾枯者矣余

曰此痘太多而血甚少無以爲充灌之用勢難成漿毒從何解內攻之禍理所必至惟盡吾力與毒相爭毒欲內攻竭力以抵托之氣血欲盡竭力以補接之氣血得繼生於後痘瘡自無黑靨於表臟腑之氣得生發於中火毒之邪可消解於外勿少有疎虞致毒乘隙內襲乃重用滋補充托日服二劑每劑人參五錢倘大便一次必另煎人參三錢單服其藥如炒乾熟地山藥角刺天蟲人參黃耆灸草後加肉桂六七日後白如錫片者變黃色而少潤薄靨貼肉者漸高聳而成厚痂顴骨地閣之痘從未有漿者至入

九日來。曆如石榴。高厚光彩。抑人參無形。生出有形之功。歟。十二日外。元氣少復。驅毒外達。爲潰瘡。爲癰疽。爲口瘡。乃隨症施治。兩月方能全愈。彭令親深明醫理。日同診視。常曰。此非治痘。乃做痘也。此氣血兩虛之逆痘。峻補挽回者之藥。按也。

一朱姓兒。年九歲。發熱如烙。口臭。班紫。腰疼。痘則密如蠶種。頂陷而紫。真血熱而兼真氣虛也。余用大劑。透托清涼。化斑之劑。如天蟲。穿山甲。丹皮。生地。紅花。玄參。粘子。川芎。羚羊角。桔梗。陳皮。甘草之類。以地龍煎湯。加筍尖三個。紫草五錢。痘旣出。齊原用前方。加減。更入酒炒黃連五分。清

涼攻托至四五朝來火勢少解乃去黃連止用前方加減
六朝血熱稍清泄瀉隨作但毒因峻藥托住故不陷伏矣
曰今可用力而有生機矣蓋此症雖有十分氣虛而兼有
十分血熱設火症一日未清而補藥一日難服實爲碍手
既難投補則此十分之氣虛何以圖治今泄瀉一來虛症
純見大補之藥便可斗膽無慮矣但向患肺熱而有咽痛
音啞哈嗽之症故黃耆不可准倍用人參及扶脾清肺托
漿之藥早晚各服一劑每劑人參五錢九朝漿半灌而水
泡居多有如湯泡火燒之狀因痘細密如蛇皮而無空地

兼稟氣又薄血少氣虛不能周灌所以皮囊連串清水成
泡乃仍用補托兼爲實脾使氣血以漸而生餘毒自消化
於外果至十三日痘作潰爛大臭乃取松花外搽內服補
托解毒健脾滲水之劑漸得乾靨實同脫殼此誠大危之
症峻攻峻補以挽回者也此治真血熱真氣虛之逆症而
峻攻峻補挽回者之藥按也
舊治藥按甚多姑舉數條以證氣虛血熱危症之治按
有症候雷同或按論少畧不能宣明病情者俱置勿錄

錦囊新製治痘用藥活法

痘瘡日期有太過不及故茲不以朝數定限假如起脹遲
者則雖起脹日期猶當類採見點時藥貫膿遲者則雖貫

膿日期猶當類採起脹時藥每限更分氣虛血熱兩條藥
例使便於按門採用二症相兼者則二項藥相參採用如
此則期之太過不及與候之氣血虛實備得其宜矣

發熱疑似未明時備用諸藥

重感風寒宜獨活羌活麻黃細辛桂枝防風乾葛全胡殭
蠶枳殼橘紅紫蘇川芎白芷蟬退荆芥葱白生薑之類隨
候採用

輕冒風熱宜防風荆芥全胡陳皮川芎天麻牛蒡桔梗杏
仁甘草蟬脫連翹玄參木通山查芫荇之類隨候採用

發熱辯痘已明時備用諸藥

氣虛症宜防風荆芥川芎桔梗陳皮甘草茯苓蘇葉蟬脫
僵蠶穿山甲胡荽笋尖桑蟲酒釀雞冠血之類隨候採用
或氣弱甚而不能出者於發表藥中加參桂少許

血熱症宜升麻乾葛防風荆芥蟬脫天蟲川芎丹皮紅花
赤芍生地紫草犀角羚羊穿山甲桑蟲雞冠血牛蒡連
翹玄參桔梗甘草山查陳皮腹皮木通筍尖蘆根大黃石
膏之類隨候採用
血熱痘症用羚羊角較犀角更佳蓋犀
角涼心而毒則凝滯羚羊角則涼肝而
治血熱清肺而肅上焦又能上安心而益氣
下除熱而益陰且性散結而不滯故尤效耳

見點時備用諸藥

氣虛症宜川芎殭蠶桔梗甘草陳皮蟬脫穿山甲酒釀胡
蔓筍尖桑蟲雞冠血羊頭腦之類隨候採用

血熱症宜升麻川芎殭蠶桔梗甘草連翹陳皮山查蟬脫
甲片牛蒡子玄參丹皮生地羚羊角歸尾酒炒芩連木通
紅花赤芍地龍蜂房紫草燈心筍尖桑蟲雞冠血酒釀之
類隨候採用

起脹時備用諸藥

氣虛症宜川芎天蟲陳皮甘草桔梗穿山甲角刺人參黃

者山藥酒炒當歸粘米圓眼桑蟲酒釀之類隨候採用
血熱症宜川芎天蟲陳皮甘草桔梗山查連翹羚羊角玄
參丹皮紅花生地當歸赤芍粘子酒炒苓連煨石膏金汁
地龍紫葶茸穿山甲燒人糞燈心筍尖粘米桑蟲之類隨
候採用

貫膿時備用諸藥

氣虛症宜黃耆人參炙甘草肉桂熟地歸身鹿茸淫羊藿
桔梗山藥川芎桑蟲甲片角刺紫河車炮薑附子丁香木
香肉果粘米圓眼公雞蓮肉嫩羊肉人乳雞子大棗之類

隨候採用

凡貫膿前用參芪宜甚多參少蓋固表重而補中輕也惟中氣虛甚者不在此例

血熱症宜紫草茸酒炒芩連川芎天蟲桔梗麥冬玄參燂

石膏陳皮丹皮生地紅花赤芍當歸粘子穿山甲桑蟲露

蜂房角刺燒人糞金汁人牙地龍笋尖之類隨候採用

收靨時備用諸藥

氣虛不靨症宜人參黃耆炙甘草肉桂白芷白朮陳皮草

薤山藥何首烏酒炒當歸白芍熟地茯苓米仁木香丁香

肉果炮薑附子蓮肉陳米龍眼木通之類隨候採用

凡貫漿後

用參芪宜參多芪少蓋補中重而固表輕也且芪性升托令肌甚難靨况痘欲回而耆托之則升降不定而毒反攻

內
矣。

血熱倒靨症宜天蟲甲片酒炒芩連生地當歸赤芍酒紅

花燒人糞蓮翹牛蒡子玄參生甘草桔梗角刺紫草茸粘

米大桑蟲人牙龍腦猪尾血狗蠅之類隨候採用。凡自見點以至

貫膿俱欲氣血同毒升浮長養故藥宜歸芎參耆鹿茸肉桂之類自漿足以至落痂俱欲氣血收斂成就故藥宜連翹米仁茯苓首烏芍藥木通之類既利膿漿下行復助其秋收冬實之令也至於倒靨者雖當靨期其毒未得漿化即欲靨而內攻也故名倒靨其治猶當類採初起攻托血熱之藥矣。

落痂時備用諸藥

正虛症宜人參熟地當歸酒炒白芍棗仁茯苓神茯苓麥冬

五味桔梗遠志白朮米仁山藥黃耆甘草陳米大棗圓眼
蓮肉陳皮木香訶子肉果炮薑桂附之類。隨候採用。
邪實症宜連翹當歸芍藥生地玄參土貝母甘草金銀花
粘子丹皮桔梗酒炒芩連梔子龍膽地丁草花粉燈心乳
香沒藥角刺血竭殭蠶白芷牛黃珍珠之類。隨候採用。
以上凡氣虛條內備列平補溫補兩類藥品於中。以憑
隨候採用。其涼補之味俱入血熱條內。蓋氣有餘者便
是火虛熱者。不可投涼藥耳。